

春融堂集

和16  
890  
8





春融堂集卷二十三



青浦 王昶 德甫

臥游軒集 戊午 巳未 庚申

懷吳訓導盤齋 桓

循牆步履每相於小別秋風歲又除  
經座本能支五鹿講堂定見下三魚  
割園誰受旁要術證道仍繙內景書  
東望婁江才兩舍寒雲積雪渺愁余

春日偶筆二首

藥裏茶牀罷送迎午時微煥正春晴  
綠陰已向檐端合碧漲初從檻下生  
燕入重簾人更靜鶯囀小徑夢尤清  
支頤獨念秦中報青犢烽煙尙未平  
曉來觀物儘幽閒天與生涯未覺慳  
蠶豆將登知嫗喜鳧莖



爭擬笑童頑菱抽枉渚根微白梅綻空林色漸殷偶過橫橋  
還拄杖不驚紅鯉躍潺湲

沐堂寺僧了性送蘭笋茶

纖芽早出蕙蘭叢不待春雷碾碧空似為談禪乾舌本焙香  
先與贈衰翁

題沈秀才安成靖琢詩圖

學問由來輔性情不須雕琢費經營杜韓蘇陸蟠胷次定有  
波瀾筆下生

自愧詞場老斲輪祇將餘事作詩人天風海水憑君記肯與  
西江作後塵

明湖精舍識前賢彈指分明四十年最喜文孫能繼武才名  
今已徧安成為子江儒大先生孫

題張墨岑崧山古柏圖蓋昔以壽蔣樹存先生者失  
而復得故紹初屬余賦之

崧高鎮中州風雨盛和會陰陽所滋榮喬林亦為最維茲巨  
柏雙岩堯閎人代秦漢世已封唐宋久仍在尊嚴肅冠冕植  
立綴纓帶矯如翔蛟螭高乃出塵壒輪囷起恭敬偃蹇謝翦  
拜誰能寫此奇墨岑實超邁當其侍 彤墀落筆走雄快

至尊每咨嗟羣工歎妙繪閒寫千齡材奇姿破蒼靄霜  
皮凍千尋雪幹配兩大持贈繡谷翁用以頌耆艾過眼忽煙  
雲桓廚隱光怪魯弓失復還魏硯守無壞竭來出示我元氣  
溢沆瀣空堂六月寒依稀見垂蓋文孫亦黃髮高名播海岱  
寶之等尊彝重之儼珪玠述德有新辭與圖共千載

袁又愷招同曉徵紹初潘榕皋奕雋諸君看牡丹以



是日也天朗氣清惠風和暢分韻得日字

我來游吳閫已度流觴日  
閑行過漁圃鼠姑正芬苾  
亭亭傍詩障叢叢對書帙  
名種間姚魏仙姿鬪尹媧  
主人劇好事張筵啟蘭室  
客亦鴈行至素心契膠漆  
清談了不窮理詠動逾出  
隨颺落游蜂掠水語飛馱  
芳時殿三春勝侶等六逸  
融怡心最歡妍暖景難述  
明發更銜杯需雲叶貞吉

戈小蓮襄亦約看花邀往

石湖精舍

題任太守曉林 北湖 虎邱白公祠長卷

青林紺塔相逢迎紅橋碧波交澄泓  
山塘七里人所羨更羨白傅新祠成  
公由分司復出守皋橋吳苑飛前旌  
是時海內適無事 樂天想東游詩有海內時無事江南歲有秋之句  
旬休設宴紆高情 圖經續記樂天非旬休不設宴  
小部笙歌清讌啓長堤風月詩懷清  
名流盛事若在

眼遺風一絕何人賡平遠堂圯嘉會廢專祠  
銷歇空檐楹寧知寂寥千載後忽得賢守尋  
前盟公子翩翩起東海巨緇五十才縱橫  
竭來分符向江左卻掃簿領緩農耕賈誼在  
門愛才俊益公有術除諠爭金閫亭外偶游衍  
緬溯前哲心神傾思公文采既絕世兼有惠愛  
傳遺氓劉郎詩句非妄譽十萬戶盡啼孩嬰  
理宜辦香薦蘋藻慰此寒暖心怛怛蔣家園子  
本佳構庸以下築娛精英萬家煙火亘北牖  
一川桃柳歸南榮眉山舊樓在指顧杜老名迹  
尤分明青蓮東來夜游此想像逸氣凌長鯨  
四賢作屋好鄰並游侶戢戢停簪纓我昨一  
櫂來吳城偶煩舊雨 謂雲松 移樽罌相逢小住作小飲始識佳  
話光昇平今觀斯圖信綿邈咫尺十里侔關荆  
酒舫曲通山後路茶槽半隱花間坪畫圖一  
橙秀粉墨歌詠諸老添瓊瑛



兜率天宮詎難下騏驎定見來瑤京白蓮名花太湖石公尙  
眷戀誇其名豈於傳芭會鼓地不獲感格通遙誠惜我衰遲

更多病無能扶杖登崢嶸回憶當年共游賞雪泥鴻爪殊堪  
驚乾隆辛未壬申間屢從沈文愨公游宴於此迄今幾五十年時園主人蔣子宣文愨門人也多君開閣

許懸楊炎官火傘方高擎稍待珠斗明長庚虎邱鶴澗從經  
行香山會約尙可繼白公作九老會年七十四今余年七十五時吳中弟子欲約袁子才梁元穎錢曉微趙雲松家禹卿及揚州謝侍郎未堂溶生為七老會不惜蕉葉澆香醪

得稚存書卻寄

江湖憔悴念離羣忽荷瑤華遠寄聞憂國向來知賈誼登科  
誰復愧劉蕡文昌華蓋聲名重金筑羅施著述紛傳語東來  
移鷁首鱸魚雉尾滿溪濱

殘燈

殘燈照壁影幢幢翠羽時聞響石瓦最是夢回清絕處兩方

明月入書窗

中用頗黎故云

琴德居閒坐

涼風忽起滅恢台薄薄微雲送遠雷禽語時來池上樹蝸涎  
新界壁間苔喜同野老添譚柄遠幸門生送酒材欲學君苗  
焚筆硯祇將方便乞心開

初秋雨後

清江雨足稻苗肥濃綠迢迢到版扉吸露秋蟬聲漸咽掠波  
塞燕話將歸凌晨最便攜蓮艇亭午猶思理葛衣同學少年  
多挾策更無人過釣魚磯時值江寧鄉試

七月十八日

風高曲樹罷登臨獨閉柴門一徑深雨霽池荷猶掩冉煙濃



岸柳尙陰森靜看繡鴨時時浴涼把香螺細細斟如許閒情  
誰得似幸將華髮謝朝簪

聽張金冶彈蒼龍嘯月琴

端居苦無豫宿病況未捐曲肱樂偃臥意趣通幽元同心忽  
已至所愛秋光妍坐忘理乃得語寂神斯全攬我壁上琴奏  
此風中弦梅花香淡薄湘水波淪漣珍禽亦不語窈窕餘爐  
煙誰悟希夷旨行將問成連

晚晴  
已聞鐘鼓報初晴檐雷猶傳點滴聲新月一鉤花外隱夕陽  
半角竹邊橫山僧近贈釵頭茗爨婢還調玉糝羹信是幽居  
多樂意西南祇恨未休兵

題陳太守桂堂延慶臨得天居士梅花

余向獲文敏畫梅四十幅葢雍正癸卯由福建典試  
歸在杭州西溪對禪人所作常出示石庵偉人蔗林  
三公皆稱爲希世之寶今太守此幀與余所藏似同  
時作者是亦文敏中年妙墨也疎影橫斜水清淺竹  
外一枝斜更好昔賢已得其髓更從何處著語勉成  
二絕以當禪悅

映水畧無色照空疑有神祇應霜月底跌坐契清真  
澹墨了無痕幽香如可掇想是小參餘亦對西溪雪

虎邱卽席送阮少宗伯伯元還朝

西泠使節返蓬萊卻過名山更舉杯燕樹吳雲愁遠別玉衡  
冰鑑俟重來文章翰墨千秋業賓從江湖一代才只是老夫  
蕉萃甚臨風目斷畫帆開



望亭

秦望山邊是望亭湖天雲霧晚冥冥故人猶憶前宵別長路  
欣看暮雨停遠挂商帆斜似扇纔明漁火小於星莫嫌垂老  
無佳興頗愛微吟伴柝鈴

再過棧舟亭

西風衰柳映空祠又是扁舟晚泊時曾說幽情懷楚橘更無  
行客薦湘離歸來南海誰為伴生向西方是不疑彈指華嚴  
樓閣見何須重望小峨眉

丹陽

堤高不見樹間村香稻初登萬頃屯欲淪碧螺洞庭山茶名無處  
汲秋潮新漲滿溪澗

寶華山

江山接秣陵嵐樹對古曲細維蕭梁時寶誌此託足後興南  
山教梵網戒淫瀆派本阿律陀毘尼皎冰玉雪浪訃重興紅  
牆繚林麓禮公真野戒壇更高築止持與作持羯磨緇流  
復感動始以依暨邦牧法藏絢珠林香鬘護松竹登階  
歎生感鳴望毒鈴鐸八窗開楓櫺千嶂開白雲與黃葉  
兩言飄以嶺出伊蒲飯罷西齋宿

曼曼獲興

松枝藥草故依然總持有恨來歸日靳尚

何能解

輦路三春懷獻賦于于丁丑召蕭齋四壁

翫題箋

壁有姬傳雲南能弟子曾相識住持悟徹為為話門

求七祖禪

幽居庵



縹山山最幽幽居幽更勝修  
近中峯欄檻斜而正竹間石  
笋排松下雲根迸不聞  
么鳥鳴少覺流泉應想見錦衣人  
于此學禪定

天開巖

蒼厓出秋雲如幃復如扇  
峭立逾千尋通中透一線  
後鳥已絕迹獨有飛流濺  
誰募响嘯碑茫昧亦難辨  
依稀六朝書波磔露巖畔

珍珠泉

山泉無定流遇竇輒傾注  
如將一掬珠散作千林雨  
條條灑靡襟灑灑洗俗慮  
未肯遽出山窪蹲自朝暮  
宜有桑苧翁試茶此間住

紫閣峯

白閣與紫閣標奇著終南  
茲峯更幻麗紅葉殷楓楠  
緬想明居士簪冠謝朝簪  
層嵐巨疊翠遠水平浮藍  
行當留十日小住依茅庵

晴村將軍招飲並出示述懷之作次韻

虎帳熊旌是壯游 國恩世德兩俱酬  
勛勞昔已高中禁 詩什今看在上頭  
清晏江山資靜鎮登臨風月暢  
清秋自慚衰謝還垂念同倒山房藥玉舟

晴村署中玉蘭開後忽生紅果益上瑞也詩以紀之

朱果徵祥兆最嘉餘榮猶逮世  
臣家春華畢竟兼秋實合作  
西天稱意花 見大藏一覽集  
花實俱紺色

素蘂繽紛展惠風雕瓊鏤粉孰能同  
如今直作辛夷色網戶  
枝枝映日紅



花後勾圓顆顆垂輕紅淺絳繼芳蕤謝庭已發三珠樹又見  
珊瑚碧海枝

留別曾賓谷及諸君

摒擋詩筒與酒筒使君佳唱滿淮東竹西歌吹由來盛流水  
高山意未窮

仙館筵開椽燭斜擘牋舐墨並風華隔江可惜無人和孤負

南朝玉樹花

並奇許秋巖太守于江寧

揚州煙月古今稱儒雅風流得未曾團扇弓衣傳唱遍從教  
寫盡剡溪藤

承家文定聲華舊守郡歐陽樂事傳置酒飛花當有兆不須  
更比玉山筵

追題汪蛟門先生少壯三好圖長卷

上方下方各有情

漢書翼奉傳

六鑿相引殊其形少壯寫此陳丹

青圖內縹緗互繚繞百榼千樽足傾倒更有雲鬢如月皦豈  
其惑溺有託逃顧曲頌酒精神超兼與簡冊娛昕朝想見承  
明晚退食遠擬蘭陵聊自適任人聚訟各以臆我已橫陳嚼  
蠟如一瓊竟醉同淳于尙欲雒誦窮黃虞竹西亭邊開此卷  
前輩風流知未遠安得相從游藝苑

高旻寺示巨超慧超二上人

三年瓜步數經過把袂重看宰堵波無著天親形影並寒山  
拾得笑言和竭來猶喜鐘魚靜老去深愁翰墨多欲覓閒房  
供索句松龕紅日未蹉跎

竹西諸相好求詩者甚衆怒卒不及寫乃借僧房書之

舟過蘭陵錢明府竹初

維喬

招集諸君夜飲感賦

西蠡湖頭小泊船題襟促席共流連正當燈火傳三雅怡集



簪裾是七賢

趙員外繩男觀察翼劉編修種之存之往事分洪編修亮吉蔣通判騏昌主人及余也

明成噩夢抽身且喜各歸田只愁皓首重經過華屋山邱最

惘然

憶先師文敏公

初六日夜

又覺夜寒侵因知病更深孤燈懸澹影疎磬颺餘音出世無  
生法觀空不住心擁衾方假寐窗外響霜禽

十六日石上舍遠梅釣邀同探諸山梅花至石壁而

返共得詩五首

頻年上峴山鄧尉獨未到梅花如有知應與東風笑春信隔  
歲來晴和已先曜吾友澹蕩人移書久相召江城百里餘微  
波送征棹遙指費家潭薄暮共清眺  
春林鳥亂啼春山已及曙遂由思翁祠並瞻瞻園墓道旁經過董文

敏徐健庵兩公墓

楚閣前一樹花香入爐煙炷瞻仰兩詩翁翛然發清慮閣內有漁

洋綿津兩公像

斜照尚未沈明蟾已微見移楫向山橋風香冷然善兩崦分

東西春波漾花片偶斟玉雪酒名清稍解餘寒戀碧嶂圓如螺

白沙浮似練無事更登臨澄懷足婉戀

小睡夢漸醒孤篷覺微響蕭蕭待殘更六花浩村壤清游愛  
衝寒喜共籃輿上穿林廿里餘澗北入方丈非霧亦非煙香  
巖絕心想惟應住童真于茲獲供養

再緣西磧山透迤屈石壁蒼茫雲萬頃青峭嶂千尺漁洋暨  
法華煙巒近肘腋僧寮半傾敲僅有清公迹香積亦荒涼何  
由住昕夕信宿憶當年月窗詠秋碧



守風金山下

時取急北行

斷渡風猶勁參差客舫停塔鈴寒自語粥鼓遠難聽雪浪煙  
中白雲山雨後青妙高臺上景危坐憶曾經

臺莊

弭櫂徐方近驅車魯道長風沙兼感發淮海入微茫浮磬思  
靈壁孤桐詠嶧陽昔賢珥筆地雪涕那能忘

東平道中大雪

嚴飈急霰撲征鞍濕透麻衣晚未乾洵是普天同慘澹欲教  
大地盡沈瀾

龍髯已遠悲腸斷馬耳全埋掩淚看賴

有同心相慰藉滿鑪楸枰暫盤桓

與鄒閣學曠屏炳泰同行

雪夜

冰滑嘶疲馬風狂落凍鴉畧看山一角已沒路三叉土銼煨

松火茅簷繫雪車彤雲騰縞素淒切聽悲笳

德州

野邏長河北郵亭小市東飢烏猶啄雪劣馬獨嘶風遠嶂層  
層白初暘漸漸紅排籤僵十指滑澆歎泥融

題盧溝折柳圖送伊太守墨卿

秉綬

任惠州四絕句

郵亭戍堠儘蒼茫更送伊人水一方嗟我暫來君又去不須  
讀畫已淒涼

詩卷書籤滿畫輪生平本不厭清貧此邦宜著文章守麥穗  
棠陰待撫循

曾過方輿萬里程五羊偏隔嶺雲橫

子獨未至粵

老來欲覓丹砂

顛夢逐熊幡海上行

潢池頻歲警西川稍喜氛祲息海壖解得道州危苦句不妨



竟酌石門泉

謁阿文成公墓

禁城東望鬱嵯峩

賜葬崇封氣象多星日交輝森巽

屬風雲常起護坡陀祁連景色何須仿耶律勳名定不磨紫光

閣像御題云楚材既出為國之楨故梁文定公書耶律文正王傳以贈公文正墓今在西苑玉泉山下悵望

九原誰可作即看堂斧邈山河

雪嶺天山控大荒掃除餘孽鎮巖疆先開城堡供陶冶再引

河流藝稻梁蒙古東來環北極築伊犁城北通塔爾巴哈臺又東北通烏里雅蘇臺合蒙

古內外四十九旗達于張家口俄大秦南去盡西洋日伊犁而回

羅斯震懾而北路之屏藩永固纏頭務面盈千萬重譯飛車達建章

城哈薩克布魯特南抵萬山崩劣護天全魚通土司大小金川地舊蟻聚蜂屯四十

年坐甲千軍柔伏莽先庚兩次破重堅雙圓孔翠花翎貴五

色盤龍彩服鮮麟閣雲臺俱首列桓圭一等有誰先

身兼將相尚非難功業巍峩德業完下土情能忘貴賤愛民

心總卹饑寒敦詩說禮家風舊緩帶輕裘意度寬不獨千秋

知已淚山頽木壤共悽酸

京城德勝橋西有明李文正公東陽宅開文祭酒訪

得其處去年戊午六月初九因公生日邀同人祀之

竝作長卷今予來都索詩以繼其後

淨業寺北積水區柔藍一鑑浮鷗鳧相傳自昔西涯居歷年

五百埋荒蕪春深漠漠生葭蘆振衣誰復尋遺墟祭酒先生

列仙儒生平嗜古資畋漁著作盡得前賢模茶陵名望尤所

娛知公卜宅瀕澄湖搜奇剔異窮林筴果得往蹟鄰經涂是

時長羸月值且文正生日尚未逾為公祝壽陳盤盂中懸遺



像清而腴飛召京雜賢豪徒雍容車騎齊簪裾一十六人拜  
且趨辨香致敬心誠輸維公生值景泰初神童召試登亨衢  
遂占揆席持機樞高文典冊傳方輿空同大復爭夸譽恨值  
闈寺雄封狐鐵牌不守還睢盱洛陽劉文靖健餘姚正遷偕歸與  
誰為切諫陳唐虞酒闌餞別情欷歔獨將一木搯凶渠衆正  
賴以安須臾有功世道焉可誣景仰宜與旋杓俱況有真蹟  
森寶書寸縑可敵千碑礫諸君誦法良非諛何翅坎鼓調笙  
竽祭畢綠蔭平堦除香生萬柄紅芙蓉數聲遮了鳴高梧澄  
心堂琴音調殊一彈再鼓松風徐題衿連襪相歌呼銀槎碧  
筩交紛如更有畫史參倪吳落墨掩冉垂楊疎雅集上擬西  
園圖以上俱見謝薌泉侍御記中此樂義等雲天需惜我未預櫻筍廚如  
口流沫思梅諸吟詩讀畫情稍舒槐花此際飄檐閭距公攬

揆一月餘今因放權還姑胥相從未得同駟驢勝踐不到何  
其愚還君詩畫長嗟吁歸奉懷麓侔璠璣

題謝侍御薌泉振定雲將小草二絕

臥病空回訪戴船吳淞無計共沿緣懸知袞屐逢迎處擘盡  
膠東五色牋君去歲來訪適以臥病未見

龍蛇夢斷感游秦藝苑欣看有替人聞說淹中遺稿在莫教  
零落委凝塵君為程魚門高弟所撰經說收藏無恙故及之

題鄒閣學曉屏午風堂集

當代文章客誰堪第一籌午風詩數卷標格足千秋書畫俱  
陶寫雲山入唱酬漁洋仙去遠髣髴見風流

送尹給諫楚珍壯圖歸雲南楚珍前奏各省倉庫多虧奉旨令同待衛

慶成往近省監查是時各督撫聞信挪移掩飾致以陳奏不實罷官今上備知其故令馳驛來京待



用而君以母年逾八旬難於迎養  
給事中銜仍令回籍侍母人皆稱為異數 上予

擁傳來仍擁傳歸行成忠孝世間稀已看直節標青史更乞  
承歡奉彩衣捧檄毛生官未達上書賈傅願終違如君獨荷  
君恩重回首征途望紫微

曹侍御定軒錫齡招同紀宗伯曉嵐小集

霓裳詠罷大羅天燕羽差池四十年松鶴精神嘉未老蓴鱸  
歸隱病難痊晨星屈指無多在舊雨關情喜後賢謂定軒幸得  
春明同把盞莫辭坐到燭花偏

題金青儕雪意圖冊時青儕悼亾

斷橋流水暮烟空作意荒寒望不窮卻憶湘簾明鏡畔低鬟  
曾詠絮因風

饋面誰來傍畫欄小窗疎影倍清寒湘中草與秦齋怨今古

才人一例看

金師眷屬是前因好證聞箏累劫身拈得空花還放下不妨  
如夢更如塵

空牀長簟起寒霏不共香車緩緩歸他日薊門三尺雪祇應  
時夢舊鴛鴦用義山句

將出京師何侍御蘭士道生法開文洪稚存趙億生

王孝廉惕甫芭孫餞於西花園

襖被經春住禁城將歸話別此班荆雪泥鴻爪留殘夢酒座  
詩場續舊盟老我已無重見日多君尚締久要情國恩友  
誼俱難遣摻袂傍徨淚欲傾

又別開文

宮牆禁籞路縈紆問字門停載酒車久識高名尊館閣誰



知垂意到樵漁半窗翠影千竿竹滿榻芸香萬卷書此後江湖回首望文昌華蓋近宸居

天津小泊

析木南來第一程柳梢風急水紋生黑雲忽合如山斷中有殘陽照眼明

楊村過又柳青青

未至天津十里為楊村過津二十里為楊柳青

畫舫如家此暫停

閒看溪農歸去晚獨擔漁具度沙汀

金鄉道中

穀雨初晴日更曛良苗芳草總如薰  
柁牙猶響泉林水榭尾還披泰岱雲  
犁罷烏犍閒帶犢巢成紫燕又攜羣  
琉璃窗小無塵到麝墨雙丸試斷紋

硯名

舟中偶作三首

長隄芳草綠芊芊學道曾聞肆管絃

過武城

回憶琳琅三十幅

故人落筆化雲烟

元和莊孝廉誠立先在京師善隸書予所藏漢魏晉唐石刻皆其題簽曾令武城故

憶之

小湄湖畔水雲凝顚顚微官尚不勝誰緝遺詩還比似長江

主簿武功丞

武進莊然一寶書前為聊城縣丞

紫雲山下水如羅武氏祠堂石刻多六十二人圖畫古何由

著手細摩挲

塗中寄翁振三

山代北對雲中竹樹對三岳天

本是

先朝侍從臣

賦慧賦上陵猶奉屬車塵

衣冠月出聲靈在

弓劍秋藏灑掃頻

講幄憶

攜香滿褭

鼎湖近望淚沾巾自憐一舸今歸去遙企

橋山更愴神



珠湖夜泊白蓮盛開

六六珠湖永涼宵  
傍客船露香催夢醒  
花葉半雲烟雪羽飛  
難見冰輪澹欲圓  
臨波何處去遙憶水中仙

泊舟京口有懷巨超慧超二上人并寄家柳村

斷岸平沙晚退潮  
鶴林山外此停橈  
雲中竹樹懷三詔  
天際帆檣見六朝  
開士吟情留梵唄  
幽人高趣伴漁樵

愛趁西風便選勝  
何時得共邀

黎貢生簡民以詩集見示有寄

嶺外忽傳詩廿卷  
長吟快似蚌搔杷

冰拄撐腸腹海雨  
江風入齒牙  
想見襟懷清似月  
故應詞藻

爛如花老夫墓木垂  
垂拱萬里何由訪  
子嗟

哭門人魯孝廉習之

清和送我出京畿  
誰料旋聞薤露晞  
甲第未登名未立  
衰親

誰望子誰依  
文人有命終難解

苦憶臨歧堅後約  
欲乘秋水問漁磯

少年高蹈擅詞場  
文字家傳一瓣香  
擊楫未能攜郭泰  
傳芭

竟至下巫陽  
貧憐苦志承先業  
死痛羈魂隔故鄉  
報與鄧吳

上舍嵩梁皆予江西門生  
同一勸楓林關塞晚蒼蒼

題潘榕臯歸帆圖

廿載簪毫侍  
紫宸蓬池詩卷最清新  
如何忽憶中吳路  
蘋

葉蘋花上畫輪

已將彩筆付諸郎  
科第連翩上玉堂  
誰信高情真絕俗  
扁舟

要占水雲鄉

陶峴三舟也足豪  
玉簫金管儘由敖  
榻來意興耽幽寂  
四面



雲山水一篙  
燕關纔過又吳關  
企腳支頤一櫂還  
我有柳波雲舫在期君  
蓑笠侶漁蠻

除夕

新春未到歲將回  
促坐明燈笑舉杯  
遶膝欣看珠樹合時嚴氏諸  
外孫侍側挽鬚不覺玉山頽  
紙窗寒重將飛雪  
瓦缶香傳已放梅  
仍屬朝衣熏侍史  
青陽曉色俟徐開每遇黎明聖闕行禮

早春

朔風初定雪初晴  
遙見春暉上檻明  
三尺遊魚水下見  
一行歸鴈柳梢橫  
香爐茶鉢隨宜置  
茸帽筇枝稱意行  
已是上元燈節過  
市樓猶聽夜吹笙  
聞稚存譴伊犁

胸中五嶽本難消  
醉後狂言荷

聖朝東坡句對簿已蒙

寬一死投荒何恨竄  
三苗老泉諫術終須讀  
湘浦羈魂不待招  
取次金鷄竿下信陽關  
風雪返征輶

敷文書院示諸同學

彈指前遊四十年  
中唐古桂更參天  
詞林往事今誰記謂楊叔文  
宗伯遺書幸已鐫謂齊次風宗伯著有水道  
老耄斯文將付待  
英賢鑿楹況有宸章在  
講罷常瞻

日月懸

過花神廟

雲作衣裳月作鈿  
蕙悖春暖更清妍  
如何瑤島如花女  
卻伴僮奴五十年乾隆庚子南巡上幸花神廟  
日此李衛像也衛總督浙閩時塑其像于花神中東樓二女其所最寵者



子也善說稗官野史衛善之故使侍側餘著蠻靴衣短後衣皆備僕也上日衛本賈人何敢狂悖因降旨命  
署布政使德克精布毀其像投諸湖而重塑花神祀之余同  
嵇公隨蹕親觀其事國史亦載此旨於衛傳中  
秋菊春蘭各一時凌波來往載雲旂六橋自此班騅客合與  
重題絕妙詞

題舒雲亭瞻蘭藻堂集後

吟殘蘭藻一編詩竟體芬芳絕妙姿拈出江南腸斷句不妨  
喚作女郎詞

淡粉輕烟字字嘉獨攜琴鶴返京華誰能移取燕山桂來作  
揚州玉樹花

翦燭微吟喚奈何無情有恨不須多當時若過紅梨館定倩  
雙鬟畫壁歌夢午堂先生有紅梨館詩少年作也惜其未識雲亭

雷雨

雷雨中宵動滿盈朝來嫩日又新晴尋香小蝶穿簾入選樹  
幽禽繞舍鳴巷口稍淹沽酒路橋頭徐度賣花聲春衫不覺  
春寒峭獨向筠廊拄杖行

題溫忠烈公璜像并家書墨蹟卷

新都城上旄頭落雲黑如山烽火作司李繇來本散官不惜  
微軀試鋒鏑滄桑大變一身揜氣挾風雷動山嶽老翁六十  
鬢已絲甫膺一命丁顛危腰間利刃光若水與我一映無稽  
遲挑燈作字貽親串想見軒昂雜悲惋妻孥從死子為僧淚  
痕墨瀋交零亂處分了了語和平兩通箋疏生光晶卷前遺  
像更孤峭浩氣隱隱浮眉稜褒忠奕世霑榮遇錫諡專祠誇  
異數不見當時首輔尊冰山已倒終非據忠烈為體仁之可弟見竹垞詩語  
知自立足千秋此圖此畫應長畱植節固應歸母教表彰還



復藉孫謀

周同年松靄春自榜下分攜不相聞者忽經四紀今

在武林以四詩見贈纏綿往復情溢於詞作此答之

宦海抽身早家山樂志便追思少壯日同上大羅天白社尊

人瑞丹砂養地仙相思蒙記憶珍重惠長牋

聞說鳴琴地循良見古風懸鞭閒吏卒驂篠走兒童彭澤歸

真早桐鄉澤未窮清和今始屈杖履更冲融

自顧成衰拙功名白髮餘烽烟頻自警竹帛豈堪書桃李門

牆盛丹鉛館閣儲如通鑑輯覽一統志金恩榮皆

帝力況又賜懸車已嘆豐其蔀時患目疾非徒鬢似霜謬推孤竹馬虛奉束脩羊舊

雨凋零甚停雲佇望長何時來片席攜手快升堂

西湖餞送張子白赴鎮番縣任

短後曼胡意氣適鳴沙驛路指瓜州山經華岳臨關出地控

黃河繞塞流鄉夢應懸三柳樹烟波兼憶五湖舟子白贊南

涼西夏英雄跡收拾詩囊是壯游

西湖首夏晝初長別酒淋漓累十觴尚說氛祲纏隴蜀喜無

烽火近河湟番回徧野風猶古稞麥連雲歲屢康料得篠驂

迎候遠循聲已頌馬如羊見張

得吳庶常山尊書知乞假將至武林詩以迎之即

用其和蘇文忠公岐亭詩韻

細雨動淹旬天意釀柳汁豈知多病身枯坐等束濕何來雙

鯉魚錦字懷中得將紆久別愁豈免開函急果然獲新詩濃

熏對銀鴨端如贈金鑰老眼刮蒙翳殷勤放生篇深痛刀砧



赤此意本等慈此業真純白徘徊再三誦起舞倒巾幘方今  
西南隅烽火萬家泣仁心啓祥和何致錄斯缺呼埽講德齋  
煮茗待嘉客共和岐亭詩以助往生集

聞繹堂司空奉使川陝軍營有寄

運籌帷幄藉論思又奉軍符絕塞馳褒鄂勛猷 三殿重

韋平聲望四方知雲開井絡宵傳箭雨洗河潼曉濟師先按

西南諸牧守奸民何事弄潢池

汾陽部曲已無多謂文成公舊部感憤誰能共枕戈幕下參軍資阮

瑀方學士維甸行間宿將仗廉頗謂明君亮三千勁旅如雲擁百二重

關躡電過軍令分明新壁壘佇看獻捷走明駝

西湖第一樓為阮中丞伯元賦

高對湖山敞綺櫳德星光聚接遙空掄才欲樹千秋業釋詁

先徵六藝功樓後為詁經精舍中丞集兩浙經生于此自媿識途輸老驥還期樸

學謝雕蟲懸知各擅無雙譽要與陳登百尺同

予以乾隆辛酉年補博士弟子迄今六十年矣錢學

使撫棠樾趙太守鑑堂宜喜循例請重游泮宮有作

輿騎喧呼雜管弦重來釋菜久華顛本無勲績叨 嘉

獎前曾奉旨著有勞績薄有詩文待續編佳話多承當事意異時

定作舊聞傳回思同伴何人在振翮雲霄俟後賢

附作 趙汝霖惠蒼

童年鼓篋等前塵綺席重開四座春髣髴幔亭明月夜雲

璈瑤瑟會鄉人

昔曾游處暫衰哀傑閣臨風面面開遙望頰宮宮畔水分

明前度認蓬萊



蓋代才名擅鳳池雞林爭誦白公詩鄉人偏憶垂髫日早  
擷瑤華第一枝先生第一  
名入學

四國旬宣徧頌聲中朝人說舊清卿多緣自任由來重廊  
廟江湖萬古情

坐擁圖書擬百城依然逢掖老諸生那知鐵壁金沙外羽  
扇曾揮十萬兵

凌雲才筆擬相如著作頻聞典石渠此日鬢宮留蠹簡頌  
來已是廿年餘先生嘗奉  
書丁丑召試詩賦備載南巡盛典久  
已頌發  
學宮

鈞天樂奏九如歌國老承恩雨露多攜得尚方靈壽杖  
耆年場裏更婆娑嘉慶元年  
宴有如意壽杖之賜

林下逍遙近十年鑑湖一曲主恩偏若教從此登雲

路及第還居梁灝先

京雒浮塵十丈紅斷螿仍守舊家風銅山金穴須臾事卻  
羨蕭疎一畝宮先生書塾聯語嘗引用  
范文正公畫粥斷螿事

衡才自昔重昌辰閱歷名場六十春閒把文章溯流派  
仙源一棹指迷津

遙峯環抱水縈紆二百餘年毓秀區為問看花上苑客  
幾人曾到舊元都

巋然人望魯靈光頰水今歌第二章正似寒梅留老幹一  
枝瓊萼領羣芳

南皮游讌舊時同此日文壇望竝崇兩地膠庠添盛事流  
傳佳話徧江東聞嘉定錢竹汀宮  
詹亦當重游頰宮

常向丹青認故吾雪泥鴻爪未模糊何當更倩僧繇筆旂



影鸞聲畫入圖先生自少壯以來閱歷之境皆曾繪圖名雪鴻紀蹟

桂苑花開接杏園仙都寧復羨桃源從今次第重游徧屈

指春風十四番計將來重宴瓊林亦祇一紀有餘

大椿知歷幾千秋嘯傲湖山等十洲應為早年絃誦地一

逢周甲一來游

題孫侍御詒穀深柳勘書圖侍御自題有劉向揚雄之句

西京開儒術賈董始宏敞中壘乃繼之一時固無兩峩峩天  
祿閣太乙降藜杖豈惟稱俊乂實乃著忠讜列女規宮壺洪  
範測儀象肯以貞亮資而為尋尺枉子雲起江灌羣倫共瞻  
仰訓纂既精研法言亦摹仿仕宦稍不達低頭事新莽坐視  
炎精消投閣免羅網乃知蓺林中志節判霄壤侍御冠惠文  
生平表高伉中歲厭緇塵湖山愛清朗蕭蕭柳數株軒窗寄

幽賞鐵鑊不嫌斷敝帚甘自享經史盡貫穿撰錄編浩穰侍御所著有家語疏證風俗通逸文及文選李注補正各書

趨庭人克副傳經想能令子同元我今發其疑九原定撫掌題

詞付後賢百世弄書幌

項金門陳花南招集述古堂即事四首堂一名小方壺

消夏何方好來登述古堂藤蘿陰自密松檜遠成行翡翠時

時下芙蓉冉冉香真同河朔飲解帶試微涼

勝地今猶昔前遊景漸湮柏堂餘灌木竹閣少浮筠境與方

壺似人瞻御墨新山公謂秦小峴多雅興躡屐遍嶙峋

倚檻香羅薄堆盤雪藕鮮簪裾皆灑落几席竝清妍語雜傳

燈錄潘侍御蘭堦精禪理詩誇泊宅編郭秀才祥伯慶老成還有在座客

余君大觀休自笑華顛時予年

年八十



已罷藏鈎戲行將倚杖回樓臺銜夕照雲樹隱殘雷勝日殊  
堪惜清游約再來他年追雅集指點畫圖開時花南以圖紀之

尚東風大作聞海中賊船損壞俘獲甚多喜而有紀

閩浙游氛閱歲年天風助順埽鯢淵伏波不俟來新息籌海  
還當考舊編見說盧循藏島嶼何煩楊僕進樓船東南萬里  
沙邊戍共喜平安火夜傳

聞吳侍講泉之時有參劾作為湖南學政

鯢顏尚冀履花封快聽風雷下九重豺虎有知原不食鷹  
鷂必逐自難容旁觀尚欲舒公憤當事能無愧曲從謂平寬夫學使  
天道恢恢原不漏昌言真足警羣兇

臥遊軒晚坐

考槃深處足盤桓身世從容俯仰寬茵菡萏香銷涼已透珊瑚

花結露初溥送來陳釀初開瓮煮得鮮菱恰滿盤報道中秋  
佳節近半規明月隱檐端

題吳漁山歷畫冊

歷也磊落嶽寄人時丁陽九稱逋臣寓居尚湖及婁水白鷗  
浩蕩誰能馴高情餘事託繪素自寫意氣超凡塵思攜孤琴  
適汗漫或縈巨擘搖崑崙廣輪輿地苦迫狹往蹈西海窮涯  
津鳥飛兔走任吞吐鯨吐鼉擲開齋淪耶穌居士演化處拂  
衣不惜窺祆神璇樞忽見星火異絕域頓覺雲霞新歸來屏  
跡槃薄羸思借墨海摹乾坤狂搜險覓眾所怪落紙仍復清  
而純試諦是冊二十四幅規萬由先民倪雲大吳仲圭  
叔明矩獲合荆關董巨神明存川原林麓盡變態江湖村落杼  
天真當年授受出烟客上摹唐宋中金元乃知絕藝在法古



小仙別派徒紛紛千緡重寶我不易要懸梁棟貽諸孫

偶成

歸田何敢擬淵明欲傲香山亦未成石湖陸劍南新詩差可繼

興來覓句遶廊行

吳淞道中

時訪錢曉徵嘉定

蕉衫桐帽峭寒生鼓櫂東為訪戴行積雨新晴雲澹澹晚潮未退水盈盈故人已作經年別勝侶偏深宿草情兼懷一枕

華胥殘月在麗譙已近練祁城

贈武陟令翁

時年八十

壯年筮仕樂春臺鶴髮如今尚未衰家在八公山下住身從千叟宴中來安仁舊治花猶在元亮新歸菊漸開遙憶故園秋色近西風早送片帆回

喜史誦芬至

齒髮相看幸未衰茫茫舊事總堪哀騎鯨豈意歸霄漢謂畢制軍

秋佩犢何時息草萊時川陝告警寒露將零梧已落仲秋久過桂

方開老夫寂處渾無那正待深談數舉杯

題蔣秀才葆存

炯

蔣邨草堂第一圖

聞說西溪路沿洄到蔣邨人烟同冉里風物似麻源茶筍供朝夕漁樵長子孫杜陵傳業久閩左頌清門花藥開三徑縹緗擁百城有泉穿竹石無客叩柴荆自適閒中趣彌添物外情幾時香雪裏邀我共經行

不能如約為賦四章以當晤語

立冬未一旬霜颿率已厲蕭蕭竹打窗槭槭葉走砌殘年畏



早寒欲螯門先閉差憐破帽溫頗藉茸裘曳正如曷旦禽瑟  
縮了無計臥聞折簡人蹙然破清睡言將游西溪明日鼓蘭  
柁諸君信雅懷一往挾幽邃此境我所思廿載付夢寐所嗟  
老病身何由共聯袂

側聞秋雪廬乃在西溪湄蘆花一千頃杳渺連清漪源從澹  
竹來南湖復滙之遠多紅樹映近有青篁鼓漁樵路亦絕僧  
屋圍疎籬諸君躡雙屐衝寒劃筇枝行琢冰雪句媿彼郊島

詩

西溪數竹窗文恪有遺宅後歸清河氏幻翁此寄蹟秋看榭  
葉紅春探梅華白往來二十年蕭然洵幽客翁去地頻更古  
梅亦崩坼茶竹尚清妍蒹葭逾蕭瑟茲行想清寒延佇意何  
極稍待春風暄孤游弄泉石

昔賢慕樊榭苦愛西溪游每從竹西返嘯侶攜扁舟至今遺  
集中逸句如鳧鷖海山嗟已逝尚幸存松楸月上亦耐瘞埋  
香竝千秋王塢路非遠短碣蕪荒邱諸君儻過訪爲我澆新  
筍定如鮑家墳清唱能相酬

遙賀吳沖之得子

快傳異事動親鄰七十三翁竟得麟已聽嘵聲知俊偉卻看

骨格果嶙峋來書云重未占後日金閨籍先喜當前玉樹春

歸去定叨湯餅會繡包細玩掌中珍

題沈太守莘田清任爲南明畫冊

此身未死病纏綿卻展鵝溪一泣然誤喜對牀尋舊約用東坡句

不知花萼久成仙

澹園筆墨劇瓏玲老屋橫溪接翠屏寄語封胡常祕玩莫教



蝨粉近丹青

漪園雨飲次實庵韻

殘秋置酒對平川澹靄輕雲細雨連遊客待浮彭蠡月沈主事帶

湖叔埏將幽人會湖洞庭烟宋茗香談太湖石壁之勝霜清紅樹樵風外

水漲青蘋釣渚前最愛豪情工拇戰薄寒須藉倒觥船

答程明經葵齋兼懷董孝廉昭

廿年音問渺雙魚忽見瑤華足慰予漢瓦秦權供講席明星

玉女照精廬時主臨崖書院在華山之下虎皮仍闡前賢學豹略空陳大

吏書時賊掠川陝君上書陳攻戰策甚悉卻喜漢陰遺一老子孫畊鑿其樵漁

孝廉居興安賊過其境不入

秦廉使小峴移任長沙招飲湖樓話別

使節初從薊北旋璽書又見報鶯遷重將騷雅移三楚留

得聲名繼四賢湖上有四賢祠謂李郭侯白樂天林君復蘇子瞻沉芷澧蘭新著作

柏堂竹閣舊因緣雪中休折湖堤柳欲倩長條繫錦鞵

西清視草記前遊淮海詩篇互唱酬笑我歸依三徑老多君

兼領五湖秋小峴先為杭嘉湖道地鄰震澤中包五湖而湖南洞庭亦有五湖之名一船行李

餘琴鶴兩地聲華映斗牛畢竟名區資雅望重來定見協歌

謳

十一月廿二日為予七十七歲生辰舟過鴛湖偶賦

七十年來又七齡鴛湖雪後駐吳舫畏寒不復尋今雨時朱明府

休度鮑秀才以文朱秀才映濤李秀才香子富孫皆在嘉興志局未能訪也投老誰知問歲星玉

版味新多且旨金華釀熟醉難醒淨慈寺僧主雲及同好冬筍而瑞唐餉酒尤佳

自惟後樂心猶在喜聽笳簫出遠汀是日岸上居民以年豐賽神歌吹甚盛



十一日廿二日魚年二十...

春融堂集卷二十四

青浦 王昶 德甫

臥游軒集 辛酉 壬戌

題姚上舍春木 椿 望雲集

峯泖英靈又漸淪少年驚見筆如神丹山鳳鳥誰堪匹碧海  
鯨魚自絕倫他日中流當砥柱此時大雅合扶輪文章名節  
無窮事更待挑鐙仔細論

許駕部周生梁上舍曜北 玉繩 邀飲湖上許莊

柔波如簟草如茵山鳥山花正暮春月榭風亭邀俊侶籃輿  
筇杖趁閒身分曹談藝神明王促坐藏闔笑語親屈指清和  
應更好再移畫舫傍湖濶

和潘榕臯綠晦山房四首



雅志投簪早溪山有夙緣碧雲當戶牖綠晦富林泉不藉田  
三頃聊營屋數椽良辰來往貫時棹木蘭船

書法能兼兩君工楷隸詩才更少雙校書青鏤管奉使碧油幢君

充貴州主考瀟灑同姑射耕芸伴老龐清流映帶處臥聽響淙淙

翰墨聲華著簪纓世澤長君子姪皆以進士及第高門傳檠戟勝地隱

松篁帆影樵風外茶香釣渚旁王官休自擬人比午橋莊

我亦因衰老歸田七載餘葭灣尋舊業木瀆命巾車蕭曠差  
相似經營媿不如獨憐溪路遠未得造精廬

題繆石林頌小像

橐筆曾游京輦挂帆遠指蓬瀛歸向團蕉獨坐依然心迹雙

清

記得堂名南有南有堂為繆編修所居收存萬卷琳瑯妙迹推君能幾

風流直接倪黃

貽我萬松圖畫石林曾為子畫萬松講院圖即敷文書院也講堂正對西泠何日

與君放鶴扁舟來往南屏

第一樓夜起有懷伯元中丞

白苧生寒酒半醺八牕齊拓敞高旻柳間殘月如新月山外  
晴雲雜雨雲湖舫歌停燈尙在寺樓鐘定夜將分清秋好景  
殊堪畫吟嘯無由共領軍

再宿第一樓作

殘宵殘月正幽妍獨對銀河更悄然露下蓮塘涼似雨煙消  
柳岸水如天冰桃雪藕亡何飲竹簟紗幬自在眠清興不須  
招白鶴臨風意欲趁飛仙

康太守茂園基田過訪



河渠舊績著淮揚新

命東行重海疆望郡喜看持玉節

同年猶記詠霓裳帆檣番市春潮濶松桂書齋教澤長

君新開三

江通海口并改

促膝明鐙須痛飲要看醉墨等龍翔

君嗜閣帖善行

書草

口號

浥浥重陰壓翠簾晚來添得雨廉纖荷花已老無多葉還送

秋聲到枕函

秋夜得楊員外蓉裳及其弟方伯荔裳揆書

跌宕詞場兩少年誰知先後奉戎旃關山甘載勞親夢風雨

三秋得素箋飛檄猶聞催戰鬪持籌還藉算緡錢自惟頭白

殘鐙裏慘執何時倍黯然

厲徵君太鴻及茗姬月上歿葬於西溪王家塢木主

遺失久矣今春何布衣春渚琪得於田舍送至武林

門外衙灣黃文節公祠清風閣中以供香火因紀以

詩

栗主拋殘久不堪香燈迎到奉苔龕春蘭秋菊時常薦社鼓

神絃樂亦湛優鉢花從天女散

姬人月上主在旁

摩圍詩向老人參

孤墳三尺西溪近來往應知鶴並驂

重陽後三日阮伯元招同孫淵如及諸同學集第一

樓作

縹緲湖樓瞰夕陽同來英俊儼成行風前落帽嗤孫楚柳下

停驂問葛疆銀海漸搖嗟曉晚玉山自倒笑顏唐歸與莫厭

長隄迴涼月如槃水一方

朱映澹同陶上舍寧求

梁

錢秀才同人

侗

及從孫紹



成游西溪歸述交蘆庵諸勝且為梅嶼上人乞詩是

見說西溪路沿緣興不窮未尋高士冢先造梵王宮巒影層層碧霜花處處紅此間求轉語心性有誰同楞嚴經相見無性同于交蘆此

庵之所以名也故以舉示上人

愛此無人徑羣瞻有道阡荒坐啼竹鼃短碣繡苔錢詩卷知常在雲仍竟失傳一杯澆未得空憶小吳船

聞何太守蘭士病假還京有寄

一麾出守又蹉跎豈向青門愛臥病京雒詞人游宦少匡廬

勝景入詩多 禁城比屋追前夢先是余居爛甌花圃分襟

感逝波幸有同心吟興健謂法開文張維修船山問陶諸君歲時車騎共經

過

題竹垞太史遊澱山唱和長卷

普光王名梵策無紹興賜額胡為乎鼇峯龍洞互起伏上有

紺塢凌空虛七層欄楯鈴鐸語下瞰萬頃村模餽薛澱之源

本具區磬清陳墓眾水趨溪山平遠似浮玉風景飄渺疑蓬

壺當時夢窗曾過此扣舷高唱心神愉年深月積漸淤塞桑

田遂見鄰村墟阿窳堵波已圯廢不見金碧光浮圖嘉禾去

此近三舍長蘆釣客來嬉娛陳遵書屋招邀作地主畢卓兩

生蕭散為朋徒楓香菊秀風日好烏篷白舫依菰蒲扶筇躡

屐遊覽畢歸向老屋觀琴書更煩妙手寫清景鵝溪八尺當

窗鋪香林蘭若忽隱現貞松古柏交扶疎緣知此遊樂復樂

不負選日來鴛湖距今屈指已百載哲人久謝幽人徂梅花

書屋書屋所居亦安在花宮寥落閒鐘魚惟餘絹素尚無恙能不



春高堂集卷二十四  
四  
珍惜伴瓊琚茲峯昔稱九峯祖玉屏蘭筍紛縈紆諸山寺觀  
漸荒蕪此尤闐寂林泉枯竹廊苔徑亦侈剝空枉上客來簪  
裾安得開士修精廬重新龍象演三車法筵清衆大起信雲  
梯佛閣增規模聽經結社更嘯侶遠眺雲水重囑于

將移居宗祠作

一檝來徵百萬錢漁莊舊宅計難全過橋翻喜移居近入室  
猶欣奉祀便半榻更無留客地一篷賸有釣魚船如疑如夢  
真堪笑已別滇池十五年

送慧照往金山受具

春江滑笏放輕舟玉帶門開指勝遊六度已從瓶鉢具三山  
更向畫圖收此時話別梅如雪計日歸來麥又秋攜得毘尼  
新戒本香燈與我共薰修

家柳村白京口過訪

雨雪能來訪乘潮直到門蒼茫三歲別故舊幾人存詩卷風  
騷齋家居水竹村殘年勞慰藉下榻喜開樽

臥遊軒月夜

蕭蕭絡緯過鄰牆纔近中秋夜漸長露滴荷珠聞暗響風翻  
竹籟助新涼井梧已滅三分影巖桂初生數點香覺此心  
清似水老來吟興未全忘

門人蔣秀才應質

徵詩

以詩寄示卻寄

蔣山本玉人六籍妙解悟作詩繼風騷尤善冰雪句竹籟與  
西冷幽賞豁情憐示我近來詩宛與王章遇湖山結性情渺  
然出風露長簟更淒清匏瓜愴無豫時方懸知伴藥爐用思  
寄毫素



喜聞韓城相國致仕

絲綸稠疊備 恩榮元老辭 朝值太平霽月光風終皎潔  
渾金璞玉著忠貞三台星動知歸老五色雲環記唱名公殿試第  
一從此四方瞻氣象龍門萬仞竝崢嶸

九月八日吳司成穀人陳太守桂堂張司馬古餘

枉顧留飲蘭泉書屋兼示映滄獻之同人三君

風日重陽近江天聚德星文章通氣誼鄉里羨儀型花徑何

曾掃蘭舟已共停老夫扶杖出再拜歎伶仃

祭酒瀛洲彥聲華燕許同北堂殷愛日穀人以乞南國仰高

風碧浪經幃啓時在湖州主講紅橋酒舫通往來酒之昔明年峯柳

路尤喜豁羣夢馬年來主雲問書院

司馬西江別流光計十年丰標仍落落腹笥更便便學業簡

林貴農桑吏治先苧城驂篠處興頌萬家傳君又適知高安縣

歸自辰沅路風騷寄興長猶攜太史筆兼佩省郎香詞翰誰

能敵琴樽意不忌扁舟頻念我淹臥劇清漳義山句

巖桂香齊放山萸酒正濃思捻書籍看工部祇覺笑言重稻

蟹欣初薦蓴鱸早未供諸君借脫帽轟飲慰龍鍾

葭菼村居僻桑榆暮景殘詎能歌兔首常累送猪肝舊學誰

為繼叢書待盡刊尚期頻見憶顧我話眠餐

同作 吳錫麒

廿載春明夢賓朋散似星江湖尋後會笑語裏前型良約

秋期踐輕帆港口停吟詩當七發病已起伶戲之病風

一老靈光在相期吾道同此懷如霽月有力輓頰風詩品



王官谷經材白虎通平生承刮目終是愧吳蒙

宦轍辭前路壯心思昔年車攻詩肄熟盾鼻墨磨便湛露

三香渥初衣一著先漁莊容穩臥樂事畫圖傳

斯文同不朽金石壽彌長許我開細帙因之味古香剝苔

心未屢布毯坐難忘夢瓦能鴛化還愁返故漳

宛然蒲褐住相引篆香濃酒座書三面秋簾水一重來真

倉卒客餉費咄嗟供所感殷勤意何辭倒玉鍾

見說西南盜秋風掃蕩殘歡鏗動朝野披瀝出心肝便有

饒歌製終聞露布刊太平田野樂努力待加餐

朱文藻

岑寂珠溪路喧傳五馬來趁潮江路滿觀稼隴雲堆錦纜

霑朝露朱顏帶宿醉不歸入谷簷雀未驚猜

京雒追前事詞壇步後塵龔黃傳治績歐趙契先民桂晚

榮詩徑秋晴健酒人司天占異瑞德聚在江濱

湖海尊者德烟霞養此身朝章原尚齒天性愛留賓洛

社開罇滿龍門曳履頻歡然褰屐會韻事一番新

龍藏詞多拙衰遲興尚酣散材真不棄末席每教參古槩

藏清閱奇書發錦函賞心交令節新菊勸分簪

汪庶子敬箴復乞假自都回里有寄

謝病重歸隱高名徧海壖清修依小學靜坐入初禪二語庶

也楹帖風雅編前集時刻太功名讓後賢長君彥博以員外近

內廷擬從潘正叔謂蘭坻相訪棹吳船充廣西主考兼直

門人吳子山嵩梁過訪即送其歸東鄉

江鄉歲暮掩蓬廬千里勞君問起居薊北朋儕嗟漸少江西



才俊有誰如斯文未喪終堪許大雅將興望豈虛珍重牛毛  
麟角語臨岐執手倍踟躕

石遠梅同家柳村楊時庵欣于靜齋淵三君自京口

來訪有作

歲杪增離緒天涯憶古歡何期青雀舫已繫白鷗灘桂苒三  
春隔衰遲再拜難村荒兼市僻佐酒乏盤餐

耆舊今寥落風騷亦漸亾誰知從碩果相與步康莊瓦釜人  
爭聽皇芩笑更長雅材三十六珍重各升堂

人竝稱名士天教聚德星時映滄寧論心輸款曲勸學苦丁

寧烟水西津渡雲山北固亭他時南望處還憶草堂靈

生朝有作

草草杯盤又介眉一年一度盡如馳久同表聖營生壙近擬

淵明製輓辭餽粥已修新井竈桑榆猶念舊茅茨明冬此會  
疑難再且向燈前索酒卮

元旦試筆

爆竹聲中齒又增先教侍史戒晨興青旂想進宜春仗紅燭  
還明守歲燈獸炭鑪溫留宿酒蠟梅花放解寒冰只憐衰謝  
年年甚試著朝衣似不勝

七秩行年自古稀又添十載剩餘暉觀心如幻塵根在積習  
難除道力微堪笑家人還致語誰知老子久忘機開門但喜  
兒童報宿麥青青滿釣磯

立春

存心養性樂熙和又見青陽到澗阿枕簟安閒知夢穩爐烟  
溫潤覺春多梅花遇雪三分謝蕙草生香一棹過臘盡春初  
金華人載



蘭來售歲以爲常

目疾已嚴止酒戒廚娘又勸飲叻何

釋堂少宰由武陵按事北還見余橋李舟中送至望

亭而別感賦

幾年別夢隔樵漁舊約南來信不虛萬里風烟違絕徼三春花柳送征旗盤根錯節君恩重後樂先憂物望紆況是二難同繼起韋平盛事不勝書請少司馬彥寶

鶴洲泚墅水程賒絮語連宵雜嘆嗟四世交情同孔李十函奏牘重勲華時以文成公奏摺送歸存貯共憐往事真如夢得老閒身

即是家時予已移居惜別不須還雪涕世緣久已等空花

四月初三曉徵枉顧虎阜寓齋兼贈二詩次韻

晤對兩成翁神明各不同我衰甘寂寂君氣正熊熊道德知何晚放翁詩云晚知道德負初心文章敢論工所欣春已去猶得坐春風

躡屐逢佳侶題襟憶往年前程真是夢勝事又堪傳樹隱初

三月香分第二泉適友人以惠山泉酒見餉風流誰載筆吳乘好重編

虎邱寓舍卽事

塋影層層對虎邱少年裘屐記頻遊青瞳白髮歸愚叟也折

花枝當酒籌

偶移帆席過吳閩濟勝無能黯自傷幸有使君能愛客掃除

池館置行裝于太守滄來館余白公祠左

千秋樓閣仰峨嵋新奉香山與拾遺誰識青蓮曾過此煩君

合作四賢祠劍池上本有仰蘇樓以奉東坡居士前太守任

觀察雲松謂少陵壯遊詩曾有東到姑蘇臺之句故三祠竝建園中余考文苑英華李太白亦有建五月十五日虎邱山夜宴序案新唐書肅宗本紀上元二年九月去歲以十一月爲歲首月以斗所建辰爲各故十一月建子月十二月爲建正月至明年四月復稱年號不用建辰是太



衰年豈復擅譚元不奈虛名被世傳試問門前相訪客朝來  
繫遍綠楊船

門牆桃李聚芳華吳會朋來更似麻自笑老夫頻播喏便扶  
賜杖也欹斜

蘭陵風雨感離羣短簿祠邊忽見君正擬銜杯連夕語  
又踏洞庭雲雲松過訪時有洞庭之遊

三年別夢隔雲沙握手伸眉一笑譁攜得米家書畫富夜來  
虹月貫江槎謂吳哲甫

誰人載酒過溪東范甯潘尼二妙同手執松枝當麈尾如雲  
妙解坐生風范編修芝巖來宗偕潘榕臯載酒來訪

岱宗頻歲照文星又向雲龍駐使駟聞有祥符碑刻在欲從  
天水問云亭徐州李太守松雲堯棟來訪以前守泰安故索其宋真宗封祀壇諸碑

巽鳳穹碑尚未摧揚來贈我等瓊瑰讀時想在金山寺萬隊  
弓刀領背嵬時張古餘以韓蘄王墓碑見贈是碑高大最不易揚

珠林玉典漸成譌宋刻猶存校正多常記書齋紅豆底丹鉛  
永日費研磨得武英殿做宋新刊禮記正義後有惠徵君跋語以此校正監本及汲古閣本凡四千餘字

清風作頌妙雕鐫更有吳興寫義田自笑行裝輕似葉兩包  
金石壓歸船芝巖以所刻文正公伯夷頌及趙仲穆書義田記見贈

十載懸車返舊郊漁莊深處水周遭誰知指日歸官簿猶荷  
深閨費彩毫婁東女士彭湘蘅畫三柳漁莊圖見寄

牡丹盛開同映澹諸君小飲  
鼠姑數本向窗栽紫玉香尤近硯臺佳種最宜名士賞中有魏紫

種一頻年長伴老人開嬋娟鬪影依青沼濃淡分枝映綠苔只  
恐吟詩容易俗臨風且覆掌中杯



長夏懷人絕句

甲戌秋予自濟南歸舟中懷人得詩五十餘首迄今五十年而新知舊好零落益多長夏無事因仿存歿口號之體又得五十人各為絕句以紀之

無錫秦文恭樹澧

味經精舍記勾留退食餘閒屬校讐洵是太平經世典玉峯制作竝千秋公少得蔡進士德晉三禮總纂又得健庵尚書讀禮通考因做而編之成五禮通考五百餘卷予時寓其味經窩見退朝後日排一卷覆勘至四五過凡十二年而書成直隸總督方公觀承刻之

無錫顧祭酒震滄

窮經列表破愚昏三傳千秋大義存傳說梁溪風雪裏歸來不省舊家門程魚門云先生家居時足不出戶外偶從他處歸遇風雪至家門旁皇無所措或怪之日吾將往顧某家耳或曰此門即是隨叩門入里人以爲笑柄蓋專心篤學如此此其門人華師道所記

觀梅亭下日將曛老病羈懷兩不分忽聽門生諮大義談時奮袂又如雲上同

長白夢侍郎文子

筆陣公然掃萬人五言微妙更清新魯翽康里如同世定回詞場拜後塵

南昌呂布衣青陽泰

私淑黎洲託隱淪手編十學待傳薪司成謝世謂程誰識西江老逸民于青陽雖籍南昌而往來江浙開書肆全讀者已摘其大槪為十學薪傳十卷刻之不惟難刻亦必無也西訪求亦不得其蹤跡蓋下世久矣而書之存及兩仕江三易洞璣平日以名世自期其託身書肆以隱士耳十學為易書詩禮樂春秋天文地理推步小學也



錢塘厲徵君太鴻  
分襟最憶小湖船歸買梅林作墓田更有苕溪明月耐好將  
秋菊薦寒泉

長洲沈宗伯歸愚

百年風雅教忠堂當代龍門應壽昌衣鉢縱無人可繼也應  
祖桓配朱王

常州劉侍郎映榆常熟邵編修叔勉

齊憲

臺閣文章自一家豈容下里競皇莠誰知劉邵當時重制誥  
纔封衆口誇

會稽商太守寶意

溫李風華絕代才蠻荒淪落儘堪哀逢時若比韓熙載定向  
歌姬乞食來

嘉興鄭編修炳也

燕許文章信筆成盛年何事遽歸耕無人解讀漁洋句三代  
而還盡好名

鄞縣陳徵君玉几

西河弟子最能文詩格清蒼畫不羣貽我苕溪舊墨本殘荷  
數柄隔秋雲

錢唐金布衣壽門

潮水畸人金吉金竹西贈我瑤華林公然對面抱冊去廿年  
水月空寒岑

壽門工畫梅曾以二十四  
幅見贈尋爲陳寶所取去

錢唐袁明府子才

小倉詩境儘芳菲鉅制穹碑稍見譏原與時賢供拊掌休將  
國史論從違



大興朱尚書石君

斗杓華蓋共零星出入承明五十春嘆惜棣華令兄竹君讀書之所塵

諸城劉相國石庵

韋平德業冠三朝畫裏相逢興自超珍重木瓜投贈句十年

刻石在瓊瑤甲申歲公從山西至京師一日文正公閱余所題李伯時應真贊文正問曰曾識王某否公對以未識文正笑指圖中一人示之曰王某似此也公嘗謂吾兩人在圖畫中定交也

錢唐梁侍講元穎

風月湖山久主盟不惟墨妙冠羣英貞如桂柏瑩如玉家世

由來是五清文莊公以大學士管吏部兼翰林院掌院學士又直南書房上書房時同鄉王尚書際華謂之曰公所處五職皆極清要亦當稱為五清先生也

大興翁鴻臚振三

詩材直繼黃山山谷楊齋後譽望人稱朱竹君紀曉嵐尚書問兩漢殘

碑供考證六經奧義更循環君有兩漢金石記近考辨經說尤多

無錫顧觀察晴沙

未老抽身向九龍新詩妙墨更春容當時一語真慚汗勸我

深心似石淙

河間紀宗伯曉嵐

繼天受寶啓元符內禪儀文萬古無共謂春卿

儒術裕稟經酌史贊鴻臚

常州趙觀察雲松

清才排界更峻嶒袁趙當年本竝稱試把咳餘叢考讀隨園

那得比蘭陵

丹徒家太守禹卿



會向東瀛覽勝還探花及第綴仙班成唯識論雖通解仍恐  
因緣在海山

上海陸副憲健男

改職名高 玉殿班何期使節竟無還魂歸不但楓林黑老  
過遼陽萬仞山

歙縣程編修魚門

綿莊經學午橋程編修詩學到中年迴自奇史漢韓歐承正  
格惜無人賞古文詞

長白慶似村蘭

金貂家世重西京王謝風流玉雪清一室琴書花竹外獨溫  
香鼎試瓶笙

海鹽朱明府笠亭

精養名畫幾研覃前代詩鈔總一函曾記官齋留宿夜水華  
鏡相贈小窗南

無錫鄒侍郎曉屏

曉屏清節本無雙通潞河邊駐碧幢最憶滋陽風雪夜共開  
詩卷對明釭

休寧金殿撰輔之

霓裳第一望如仙經學偏能解鄭箋歸臥天都三十載戴震  
江永徽義更誰傳輔之著禮箋十二卷并傳江慎修戴東原之學

陽曲申明府圖南

吉金貞石採三秦作吏風塵迥出塵程貢生趙貢生孫觀察  
錢州判同嗜古獨推雅鑒在涵真

儀徵施宗丞小鐵



天吳紫鳳補朝衣中正還同季女飢沒後新詩存六卷正如  
鶴骨幾時肥

嘉興汪殿撰潤民

碧巢累葉竝簪纓華及堂開負盛名厚石竟隨桐石沒更嗟  
雲壑返蓬瀛

南城魯明府絜非孝廉習之

旨遠辭文出自然絜非有作韻宋弦儒林循吏俱無媿師法

由來仰大賢

絜非工文作令夏邑有善政以司馬文正公為法

孝廉下第病兼貧相約南歸涕滿巾父子弟兄俱早世遺文  
擴撫更何人

錢唐吳祭酒穀人

殿新成壽宴圖多君送我下南吳而今愛日思護草又見

文星照五湖

無錫秦觀察小峴

瀟湘雲水武陵春遊徧江湖欲乞身寄暢園中風日好碧山  
吟社定重新

常熟吳儀部哲甫

抽簪壯歲樂烟霞到處詩詞護碧紗可以梅村閒適句玉杯  
春暖尚湖花

南城曾運使賓谷

南北舟車占要津詞場酒座逐時新竹西亭上三分月長共  
詩人作主人

儀徵阮中丞伯元

仁聲久遍浙東西三十荀郎未足齊聞說舟山傳箭夜樓船



十道壓鯨鯢

偃師武明府虛谷億

武君折角兼強項前似朱雲後董宣脫屣去冠當軸嘆證明  
金石藝林傳君為博興令以九門提督番役入境滋  
事達之被劾罷歸阿文成公深為惋惜

元和馮給事實庵

橐筆西清歲月遙詩才文譽滿同寮近來更詠西湖柳占取

風光在六橋子集西湖柳枝  
詞君詩歷卷

欽州馮農部魚山敏昌

博學多聞樂澗槃西南近海此材難好奇更上蓮花頂玉女

明星對面看

福建李員外畏吾威

閩海畸人孰似君力承師學用心勤曾來訪我西湖上午夜

燒燈校說文

畏吾為竹君高弟知余有宋板說文時方隨  
蹕西湖尋至寓所盡五日夜功校畢乃去

兄弟同為集蓼蟲每於艱苦出英雄鳧堂一去風流盡獨駕

鯨魚碧海東

辛酉春墨莊奉命敕  
封琉球過訪敷文書院

匡廬遊罷更東還如雪麻衣淚點斑從此京華壇坫上何人

詩筆配船山

長白法祭酒開文

大谷山堂見替人餐風味道更誰倫東華門外司成第千卷

圖書接翠筠

武進趙同知億生

駢體詞章字字工又隨五馬仕齊東蜃樓海市毫端現定見



人推大國風

武進楊員外蓉裳弟方伯荔裳

十載西陲鬢未絲歸來華省擅清詞江花邱錦知多少仍向詩場作總持

頻聞烽火靜三巴蜀道瘡痍已漸差料得印牀公事少也應

吟遍錦城花

楊家兄弟真名士珠玉為心錦繡腸可惜蓬山無著作卻俱草檄事戎行

陽湖孫觀察淵如

集成問字警凡庸經誼千秋漢魏宗精舍憶曾開祖榷欲將

祭酒配司農伯元中丞開詒經精舍議祀先賢淵如舉叔重漢書本傳內不載祭酒之官當以此官為宰官私屬不隸之故耶汶水有二皆入于淮其地即為楚漢時垓下今屬邳州

叔重宜祀于邳州名宦祠內

陽湖洪編修稚存

古寺離筵共拍張次公寧必醉而狂可能勃律天西外水道

詳求似鬼方稚存先督學貴州有貴州水道考三卷

太倉蘇貢生加玉維晉

曾共輜軒汗漫游湖山風物錦囊收家居廿載窮兼老兩板

衡門一傲裘

錢塘朱貢生青湖

淞江詩派近難論獨有青湖迴絕倫傳得舊聞教後進西泠

十子本湘真青湖云陳臥子先生司李紹興詩各既盛淞東西人土無不遵其指授故張網孫等所撰西泠

十子詩皆雲間派也毛西河幼為臥子激賞故詩俱法唐音竹垞初年亦然至康熙中葉始為宋詩蓋自查悔餘兄弟及

吳孟舉輩出而詩格始大變也



惠州趙明府渭川 希璜

仙峯四百在毫顛風雅潘 有為溫汝適 應址傳地志才修搜

石刻總將翰墨作因緣

長白那少宰繹堂

祖訓諄勤 主眷隆曾參密勿贊元功閒窗忽讀停空句想

見清心似鏡空 君有停空鏡詞最工

長白英侍郎煦齋

曲江風度本先賢 謂定圃宗伯 近筦司農秩屢遷供奉 南齋纔

退直又臨閨苑領羣仙

長洲家博士惕甫

文章劉蛻孫樵亞詩格盧仝馬異間為問霸才誰是主故應  
橫戟獨當關

海寧吳貢生槎客 騫

浙西風雅數三賢湘管成書世早傳 陳廣文焯 石鼓兼通金石契

張徵君燕昌撰 同時更重國山編

元和蔣秀才應質

六書奧窔宗浚長三統精微遡鄭君尚有詩篇兼眾體漳濱  
臥病更何云

錢塘蔣秀才葆存

蔣山已冠三珠樹又說西溪有蔣村家在梅花最深處果然  
清氣得乾坤

蘇顯之和予八十元旦詩并遣其子來祝寄謝

先後年華近八旬 君年亦七十有六 雲山相望久相親聞君杖履秋

增健和我詩篇筆有神少日詞壇同嘯侶晚來宦海各抽身



三峯況與蓬萊近浴日餐霞莫厭頻

聞巨超上人焦山退院

海鶴三年別江魚一字無懷君聞退院瓶鉢憶羈孤梵唱秋  
颺急經行夜月徂不知詩社裏誰與其團蒲

雲水瓜洲步紅闌窄堵波導師提唱處香火復如何謂圓老

去遊情減閒來法喜多耳聾兼面皺猶未得三摩

菊

短籬高節等松筠常向柴桑伴逸民霜露不矜標格異馨香  
獨見性情真平看豈惜風吹帽欲插偏慚雪滿巾移置屏山  
明月底夜寒形影更相親

曉起時十月  
初一日

松影移窗曙色新曉來盥漱更精神細看蝴蝶懷前夢懶折

芭蕉悟幻身碧椀索嘗前榨酒青瓊倩拂舊香塵丹楓黃菊  
堆苔徑不覺年華又小春

袁貢生時亮文撰自昆明來訪即別有贈

屈指離襟二十年舊交零落倍淒然謂錢通政東注蔣檢文

章聲價宗前哲君近刻滇南詩文畧門第清華啓後賢急難心情殊悽

慨時為陳方伯謀贖緩遠遊時勢總迢迢匆匆歸去滇池上憑與諸君

話老顛謂尹給事楚珍倪同年高甲陸秀才藻

壽錢徵君晦之六十

清鏡塘隈隱德星世留眉壽著儀型晦之祖父皆大壽六旬福德開

箕範三策賢良重漢廷元年以孝廉方正徵楓映畫屏添製錦菊霑春

酒助延齡聲名已是東坡弟蘇句更喜諸郎竝受經謂同人兄弟

題吳節愍公嘉允遺像公字繩如華亭人天啓甲子舉人福王南渡授戶部主事



南都失守自經

蹇蹇何能再，顧身一朝取。義便成仁，天荒地老，心猶壯。國破家亾，氣轉申魂魄，飛騰應化鶴。雲霄詆蕩，自騎麟，易名奕代光千古。展卷丰標，動鬼神。

陳忠裕公祠宇落成詩以誌之

祠在皇甫林墓西福成庵左與夏忠節並

祀節愍及黃貢生渥皆祠之祠宇為陳桂堂太守合衆力以成

翠柏蒼松照水村，烏頭綽楔表龍門。姓名早入前朝傳，贈卹

還叨異數。恩，一代文章光篋策。公詩文集余先為搜輯今屬何秀才書田其偉增刻

之四時俎，豆薦蘭蓀獨憐忠。節聲華竝馬鬣，無由問九原。忠節

授命在忠裕前故忠裕集有葬夏考功詩然是時節愍牽連被逮卜葬未成其後門人崑山盛符升始葬之宋荔裳晚會紀以詩然其葬處我鄉前輩未經紀載徧訪無蹤因誌于此

遙送陳桂堂主叢山書院院為劉念臺先生故居

大節分明似首陽，喜君曠世獲升堂。欲教多士從何學，在仰前賢不可忘。名重東林巖出處，情殷南渡誓存亾。到時釋菜修春祭，為我先陳一瓣香。

喜沈觀察函九見訪函九為子辛巳所取土年七十有九

年當八十世稱奇，況有門生齒數隨。歎我聰明全已失，喜君

視履總相宜。往時綸閣居先路，子先為中書舍人君相繼入直近日經幃

接舊規。子主婁東書院及往武林當事延君代之更有陳錢遺事在，君為陳通政星齋錢少宗

伯坤一之壻好憑絮語盡深卮。

寒夜洪稚存見訪

依然浩氣見鬚眉，慰我三年萬里思。聞說雲山開講席，時將主寧

國書還愁烽火動潢池。飾巾自分風流盡，摻袂猶聽夜漏遲。

燭跋更闌餘後托，好為有道勒遺碑。



元作

洪亮吉

珠街涇口落帆遲五載重逢慰所思碩果近看餘一老削  
瓜早見歷三司百千著錄偏能記門下弟子極多八十研經不廢  
詩卻望西南洗兵馬蓋臣風度總憂時

八十生辰口號十二首

八十平頭自在身宣勞中外荷

恩綸誰知

賜告

歸田後屈指年華又十春

薄有聲名海內傳敢勞致語祝彭錢嘉賓已盡東南美次第

溪橋纜畫船

門生弟子代逢迎退坐山房景色清喜聽扶風豪士飲探鬪

鬪酒到三更

香閣才名本出羣鈿車何意到溪濱香箋渲染梅松菊絕似

麻姑五色雲

閩秀廖織雲以所畫箋扇來祝

揚州烟月家家玉江左文章樹樹花徐昌穀句移贈檀郎真不忝

香囊塵尾鬪芳華

章生綬文余外孫壻也丰姿韶秀幼有雋才

生天成佛兩茫茫坐愛年時正履長多謝東風先借暖隔簾

吹送早梅香

屈子風騷百代尊獨將一氣夜中存懸知晞髮扶桑後不藉

招魂與禮魂

見離騷遠遊篇時餘書不讀令人偶誦莊騷耳

圓明性體本無涯肯受塵埃半點遮泰宇定來虛室白繩牀

跌坐誦南華

比以香山又五年

樂天七十年七十其五適來適去總由天華嚴樓

閣何能到擬住雲棲

樂天欲生前樂天欲生

重幃深護燭花偏坐愛爐暖不眠雪夜前村聽鳴榔此清



真似石湖山

伐性傷生氣更衰

王介甫詩傷生伐性考書

可容翰墨累靈臺行看九

九全陽數差停六年在不利

漁樵寄興脫朝衫上擬山陰亦不凡但少鑑湖三百畝蓮華

博士換頭行

已久入冬來暗室中時見光明殆與放翁所得

略同然見在未申酉三時餘時不見又未可解也因

書寄梁元穎侍講趙雲松觀察

欲淨塵根尚未全何期慧業現當前漆園曾覺虛生白楊子

空勞默守元時訝屋窗朝日上終輸螺髻佛光圓若稱聖證

還非是方便心開任自然

除夕

辛盤臘酒已全收爆竹聲中歲又週起早仍當朝象魏禦

寒無計續貂裘欲償舊債緡錢罄檢點新詩卷軸稠前月八

詩百軸戲語衆雛休爛漫杜詩衆雛爛漫睡焚香為我記更籌

春融



春融堂集卷二十五

琴畫樓詞一

綺羅香

嫩柳縈煙疎花謝粉一夜東風吹雨獨客西窗偏記舊時歡  
緒卷繡箔月照紗幮點銀葉香添寶炷最殷勤研粉吳箋  
薔薇佳約寫吟句如今何限淒怨閒了吹笙小院彈棋深  
墅梅潤空箱忍展春衫白紵人遠隔青瑣西樓夢還迷淥  
波南浦又江城冷漏殘鐘斷魂誰共訴

琵琶仙

秋日過薛澱湖

黃篋衝波漸迎面策策寒颿淒凜紅蓼開滿煙洲沙鷗正涼  
寢遙望裏冰奩一片映依約翠峯同浸水國樓臺山家門巷

青浦王昶德甫

此頁為書中殘頁，文字模糊，難以辨認。



看風堂集卷二十一  
溪樹交蔭 又多少釣叟漁童向菱浪蓮泥下柴糶最好故  
鄉秋老有蓴鱸幽品須縛个苔磯草屋倚枯藤看遍楓錦底  
事湖海飄蓬鬢華霜沁

瑣窗寒

橫雲山

桂棹衝煙篷窗載酒曉停游櫂空山秋老石逕暗飄紅葉傍  
籬根金鈴乍開但憐一片霜蕪壓況暮禽喚雨殘菴咽露蘆  
花如雪 數折登雲疊見蒜影重簾韭花遺帖京華仙客忘  
了東山游屨記年時階鶴几琴南村舊句誰賞愜刺平湖倒  
浸彎環翠浪生寒月

洞仙歌

自題小照

黎雲夢遠悵春愁誰省自寫吟魂伴梅影念暈紅詞句慘綠  
年華都付與小閣輕寒薄病 雨絲風片裏蕉萃相如懶踏

尋芳舊香逕小榻颺茶煙碧葉惜惜好占取松溪蕙磴只一  
片傷心畫難成怕點鬢秋霜又添明鏡

丁香結

雙桐書屋本葉氏廢園今借爲學舍前松桂  
讀書堂牆下有小橋曲水頗幽寂

松桂團團雙桐初引前後簾波相映好綠陰滿徑塵不到芳  
草叢苔俱淨湘簾時半捲就芸架圖書清整祇聞枝上玄鳥  
似伴幾番清咏 遙應又吟罷微行闌外蹋殘花影短約斜  
通蘋絲蓮葉小池如鏡何人更共茲誦置茗爐香鼎試筆牀  
翡翠坐到日斜梧井

南浦

渡柳微雪山村汀樹盡入玉壺世界中風景蒼  
寒扣舷歌此幾令東鷗拍拍驚起也

雲色半晴陰望疎疎凍雪猶棲亭堠浦漱正蒼茫冰澌響風  
定湘紋微皺香林莫認但聽煙外殘鐘吼十里江鄉無限景  
遙露幾稜寒岫 回思鐵笛吟仙泛瓜皮每共詩朋石友茸



帽倚蓬窗清游好獨坐試香溫酒何時小隱漁莊閒試垂竿  
手更做松溪勻粉墨寫出斷蘆衰柳

燕文貴有松溪殘雪圖

甘州

酬張大木先生

正蕭蕭朔雪暮寒餘西風響荆扉歎荒江老屋橫橋小艇訪  
戴人稀乍喜白家菱角剝咏寄新詞多少殷勤意譜入烏絲  
知是柴桑清興但香添銀葉琴按金徽向禪燈梵筴老去  
作心知念生涯寒蛩凍雀更何時結鞅試荷衣相隨往尋梅  
問竹小坐苔磯

更漏子

章練塘鄒氏東樓雪夜同鄒薇仙邵玉藻作

玉爐寒銀燭冷已是黃昏風景傾桂酒簇椒花春盤薦歲華  
風蕭屑三更雪偏覺吟情難歇村柝急寺鐘鳴南窗月半  
明

擊梧桐

泊橫塘

十里橫塘路吹過了幾陣催花微雨月近燒燈候畫樓上已  
按箏絃笛譜魚天雲淡鷗波水軟隔岸垂楊萬縷鴈齒紅橋  
外望鄧尉西面彎環無數 沽酒帘斜焙茶香遠樂事江邨  
如許況是梅開也臨水處兩兩么禽弄語蠟屐尋芳第一難  
忘是舊日秦娘繡戶待秋來採蓮歌起重放柔櫓

倦尋芳

胥江夜泊

一溪碎雪十里殘陽吳市初夜倦客烏篷斜泊姑胥城下綠  
檻官橋排鴈齒紅簾妝閣分鴛瓦傍荒祠看靈旗半捲怒濤  
如乍 況正值梅邊寒緊珠絡藏香元夕近也月上燈街幾  
許鈿車羅帕賣酒樓臺人擲笛傳柑門巷衣飄麝寫吟箋作  
昇平水天閒話



惜餘春慢

春雨初霽移舟支硎訪南北二禪寺過訪鶴亭松影在地么禽時語塔表花鈴與鐘磬聲相應石室寒泉灑人襟袖憩息者久之斜陽欲墜尋徑下山而淡月黃昏已印前溪矣隔水簫聲徐出層樓曲檻中蓬窗孤坐置酒挑燈遂成此解

綠滿籬根青迴岸菊已覺雪消寒定筇枝劃蘚屐齒黏泥來  
訪南峯曉景正值東風乍晴松響禪關鳥啼僧逕看孤厓遙  
挂飛泉一道玉波春冷 有古塔遠倚花宮琅璫殿角相和  
上方清磬鶴亭雲罨魚尾霞殘取次水昏煙暝銀魄還明隔  
溪竹屋簫聲畫欄燈影算江山如此那能忘卻五湖游興  
憶舊游 由支硎而南入寒山過法螺菴卽趙凡夫與陸卿子借隱處也高風如昨渺渺予懷  
正偏提載酒不借穿花人到空山曲折棠邨裏問盤陀舊築  
一片荒寒昔年白雲棲隱竹石共流連況揭畫絃詩紅闥更  
對翠袖吟仙 幽閒阿蘭若有飯盃春蔬香印沈檀鶴老高

人去賸鳥啼松逕梅臥苔欄冉冉夕陽西下疎磬出禪關祇  
回首蒼崖千層碎雪飛澗泉

曲游春 靈巖

雨後春山潤向護村西去煙樹零亂蠟屐衝泥傍禪林試訪  
館娃宮苑幾曲寒松偃問石徑采香人遠歎當年玉井銀牀  
都付蒼苔碧蘚 悽惋繁華夢短剩響屨廊邊幽鳥啼怨重  
上琴臺望孤篷雪浪青螺千點登眺情何限漸殿角殘陽一  
線又早佛磬煙沈梵燈風顫

高陽臺 天平

載酒輿輕尋詩筇健芒屨早蹋天平山翦雙眉煙中八字斜  
橫么禽警起苔梅謝款東風初語吳鷺看春光過了燒燈漸  
近清明 周郎游記重吟寫歎熏香新葺誰續茶經一道寒



泉飛來空和松聲草堂西崦荒基在念生涯合與鷗盟又何  
時石磴花龕長伴殘僧

女冠子 真娘墓

虎邱寺側對斜陽一片荒冢苔碑久雨蝕正柳霑殘露梅染  
餘熏倚風微動想年時歌舞地玉鏡飛鸞碧簫吹鳳到今惟  
有幾曲危亭山腰斜聳聽疎林幽鳥閒歌哢看層臺穿雲  
冷月還高湧梵宮漏靜祇禪燈粥鼓喚醒海棠春夢徐孺孤  
墓近應是香魂夜闌相其灑楚花湘草點點慣與愁人吟諷  
沈亞之真娘墓詩翠餘常染柳香重欲熏梅  
顧阿瑛真娘墓詩夜深風雨急誰喚海棠紅

浪淘沙

題素心並頭蘭畫卷

閣掃試新妝略注鉛霜寒崖冷谷占幽芳月下閒堦雙笑在  
連理唐昌風雨夢三湘損盡鶯黃冰絃彈怨露華涼祇恐

鈿車同去也寫影雲房

更漏子 梅汀小幘

曉霜寒斜月冷誰認石屏清景江外驛竹閒橋依稀入畫綃  
梨雲曙么禽語銷盡蘭膏小炷縞袂客幾時逢斷魂清夢  
空

清平樂

傷春病酒人比梅花瘦看到花殘春已透況更青梅如豆  
斷腸芳草天涯緘情慵訴琵琶欲寄別來蕉萃麝煙親畫蟬  
紗

臺城路 友石軒印譜

鄱陽石帚飛仙後何人更溯三古蠶尾形存蠶頭迹渺空憶  
埤蒼訓詁幽懷誰訴念景伯遺文杜林殘語往冊銷沈摩挲



貞石半風雨 高人自多逸趣愛收圖印在編作小譜黃蠟  
堆盤青田盈篋宛對秦碑周鼓西洽古渡判喚个蜻蜓訪君  
幽處金薤琳琅商略共容與

更漏子 為玉藻題畫

乳鴉啼涼鴈語人在小芙蓉渚蓮漏杳篆香凝蘭期卜夜燈  
桃鬟膩梅簪墜玉鏡檀妝慵理愁擁瑟怯憑欄西風翠袖  
寒

秋波媚

黃葉聲多顫晚風古寺遠鳴鐘那堪更聽一繩新鴈四壁殘  
蛩 輕寒不管人孤睡翦翦八珠櫳涼生楚簟夢回山枕香  
地燈紅

虞美人

迴廊曲檻苔花壁曾記題吟筆西窗別夢已經年回憶翦燈  
話雨隔溪煙 園林秋色今如許合付幽人住數株松桂讀  
書堂應是月明紅袖夜添香

消息 甘蔗

石蜜漿寒相如舊日曾題詞賦種滿芋田根連瓜堰幾度逢  
春雨畦丁慣是鎌磨新月劔向短籬荒圃柰孤僧寒驢秃尾  
行遍翠微山路 冰刀試切勻堆碧盃抵似銅仙清露置酒  
論兵臨花校射休說英雄語紫梨垂處黃花開後臥病徒添  
悽楚憑誰唱梧桐葉落玉京人去 廣志甘蔗其節為石蜜  
子虛賦諸柘巴苴洪邁云  
諸柘即甘蔗也 杜詩春雨餘甘蔗  
蔗苗 王灼譜唐大歷間有僧跨白驢登織山驢犯山下黃氏  
蔗苗 黃請償於僧僧曰汝未知因蔗糖為霜利當十倍試之  
果驗 顧阿瑛詩蔗漿玉椀冰冷洽 魏文帝典論余與鄧  
展等共飲聞展善有手臂酒酣耳熱方食甘蔗便以為杖下  
殿數交三中其臂 齊書宜都王鑑善射取甘蔗插地百步



射之十發十中 張協都蔗賦黃華浮觴酣飲累日挫斯蔗而療渴其漱醴而含蜜清津溢于紫梨液豐于朱橘 野史盧絳痞疾夢白衣婦人日子之疾食蔗即愈 因歌詞云玉京人去空蕭索畫簷鵲起梧桐落

百字令 雪

茅齋向晚正江山一望荒雲漠漠黃葉灘邊風更緊吹徧蘆  
簾紙閣酒舍帘低僧房逕斷誰掃橫溪約吟朋不到閉門無  
限蕭索 遙聽老樹啼烏清寒料峭石鼎香煙薄松火擁爐  
閒索句最憶羅浮舊約料得煙梅竹枝深處漸吐紅椒萼明  
朝喚艇水南還試芒屨

疎影 梅影

山房寂靜正苔枝如玉寒月交映暗上湘簾遙印羅幃最引  
孤山詩興疎香滿地黃昏後看幾度斜斜整整到夜闌依舊  
歌眠不怕笛聲淒冷 紙帳殘燈夢斷翠禽清響處雲澹煙

暝舊雨江南春信迢迢剩有霜條難贈凍痕應倩松煤染細  
暈出竹邊清景料深閨誤認幽花欲試曉來妝鏡

河傳

翠浦香雨梨花飛雪柳花飛絮綠波春草小河橋魂銷可憐  
歸路遙 瓊窗話別還斟酒今分手忍聽唱紅豆上南樓望  
西洲離愁短篷雲外舟

浣溪沙

聽得銀屏玉佩搖雙雙乳燕欲歸巢柔蔥一捻儘魂銷 最  
是有情憐昨約那堪無夢度今宵畫牆微雨打芭蕉

又

魚子單衫怯暮寒玉釵重整曉妝殘一雙和笑鏡中看 花  
逕風柔枝嬾娜竹窗日上影檀欒松煙親畫小眉山



又  
一翦東風到碧紗粉牆輕暈海棠花箇人睡起正天斜 金  
斗微勻裘上蝶檀梳細掠鬢邊鴉閒催鸚鵡喚煎茶

又  
柳下紗窗月下階藕絲衫子茜紅鞦東風恰值晚花開 銀  
甲調絃低鳳管玉枰分局賭鸞釵夜深香夢儘徘徊

風入松

題陳仲醇江墅晚歸橫幅

綠秧畦外版橋斜水漲平沙紙窗竹屋梅風靜聽池塘一部  
鳴蛙白石清泉身世青苔碧草生涯梵音猶記老僧家夜  
漏還賒叉魚射鴨人歸未亂前村短棹咿啞細雨閒敲碁子  
油燈落盡殘花

洞仙歌

和友人作

吳船三版泊蘋花水岸疎柳絲絲亂鴉晚向秋千架底屈戌  
窗前移款步卻喜者番重見 同雲催薄暮砌竹蕭森忽聽  
西風送微霰分座試藏鈎翠袖柔葱含笑勸桂醪荷淺便絮  
語殷勤到更闌又獸鼎微溫鳳燈輕翦

又

鴉棲疎柳看月明花嶼換了單衫理茶具正鵲鑪香細鳳蠟  
花殘深夜裏細按松陵遺譜 吳淞春水活底事羅囊重向  
迴廊漉梅雨火候到嬰湯一縷濤聲漸響遍碧紗窗戶把小  
小清瓷淪春旗伴消渴情懷暗吟詞賦

又

廉纖細雨正落花時候忍向旗亭折煙柳對柔波畫舫芳草  
官橋最苦是此度忽忽分手 夢華遺事在曾記重逢雪打



疎櫺翦春韭玉鏡整殘妝添了紅綿挑短燭溫香試酒歎分  
薄鴛鴦又驚飛指後約薔薇淚痕霑袖

又

鷗沙亭外聽秋風微動銀蒜紋簾寶鈎控正芙蓉簟冷豆蔻  
湯溫新浴後桂魄一丸孤湧碧羅雲影淡疎柳濃陰幾點  
池荷暗香送簪了素馨花閒倚湖山按舊曲玉簫吹鳳漸珠  
露輕寒透吳衫愛半枕新涼五更幽夢

又

水天閒事早繁華夢斷司馬青衫淚痕泣記燒燈巷陌擲笛  
樓臺重過處多是梨花門掩年來憔悴甚作客江湖回首  
寒雲故山遠檻外又西風葉葉芭蕉攪一片亂葦哀鴈向酒  
醒更闌自尋思付老去生涯佛燈禪版

月華清

益梅

宮粉香飄仙衣雲臥幽花獨占窗戶猶憶青鞵曾訪村南幾  
樹聽殘鐘茶磨山房蹋曉雪銅坑石路淒楚正版橋流水翠  
禽交語受盡冷煙疎雨倩健步移來碧瓷深貯爆竹傳柑  
喜作新年伴侶最娉婷春色三分好珍重芳心一縷畱取莫  
等閒輕按江樓笛譜

摸魚兒

丁卯春仲送廖覲揚入都

正江南野梅零落垂楊初展金縷輕衫破帽尋芳地最憶舊  
遊情緒君又去向野水荒村立馬呼官渡離愁幾許念茂苑  
鶯花蓮塘風雪曾共寫吟句長安道幸有銅駝俊侶翦燈  
深夜相語應知黃葉山農集傳遍笛家簫譜須記取是第一  
雲藍早寄吳中路蘆汀蓼渚待挂歸來木蘭艇子同泛綠



暮雨

金縷曲 登蘇山

波浪兼天湧，倚晴空、雲根一片水邊龍。從磴滑苔花無路到，誰縛茅亭孤聳。喜草屨筇枝堪用。吳楚青蒼分極浦，望大江、萬里長風送海門。闕水煙重。金焦幾疊銀盤捧，最蒼茫、雲陽杜野，遙連鐵甕。蘆荻蕭蕭沈戰壘，憑弔六朝如夢。但估客帆檣橫縱。北府冰廚無限好，倚谷兒夜市偏提控。判醉待月流汞。

月華清 秦淮舊院

一段清愁百年遺事，翠苔零落碧瓦。記得年時多少歌臺舞榭，繡檻裏雲鬢飛鴉。珠箔外玉鞭嘶馬。良夜有蘭舟徐泊，寶燈斜挂。回首江山如夢，祇泣雨籠煙柳，絲盈把。水綠秦淮。

還繞赤欄橋下，將南都花月新聲作北里水天間話。吟寫任墨痕淚點淋漓羅帕。

高陽臺 題版橋雜記後

南部新聲東京舊夢，畱傳猶在長橋書記重來。寫成淚浥鮫綉，赤眉黃犢烽煙近尚流連。月夕花朝且休誇玉麈香囊。王謝風標。甘陵卻剩諸年少，伴銅仙露冷綠暗紅消。結綺臨春江山同付寒潮。手提金縷還難問，恁青溪冶葉倡條再休。令賀老淒涼譜入檀槽。

采桑子 夜泊梁溪

櫓牀冷撥龍山下，夜柵茶樓古塔雲邱。紅葉蕭蕭打客舟。寒衾自倚孤篷宿，商笛前洲。漁火中流併作蓉湖一片秋。

金縷曲 宜興道中



歲晚漁村閉早平蕪斜陽一抹斷蘆風起衰柳棲鳥啼不定  
黃葉聲疎墮地漸佛院寒鐘林際石渚煙汀雲欲暝剩鸞環  
幾點青螺髻停柔櫓泊沙嘴 蕭蕭雪打孤篷碎倚船窗鑑  
溫松葉飯炊菰米白髮青燈思客子添得高堂憔悴忍重話  
薄遊情味橘社蓴鄉借隱好辦荷衣定作歸耕計清夢到故  
園裏

采桑子

阜橋感舊和劉歧三

鸞環淥水臯橋路亞字牆邊丁字簾前曾記清游繫錦鞵  
重來已斷繁華夢零落珠釧寂寞箏絃夜雨殘燈話往年

南柯子

野火山中屋疎煙竹外樓葦條風起送蓬舟又是一番霜信  
下沙洲 白髮高堂淚青衫客子愁蛛絲應是挂羅疇早晚

片帆歸去柳西頭

月華清

長至後舟過溧陽天寒歲晚猶泊江湖回首故山悽然欲絕也

雪颭蘆花霜酣楓葉枯楊搖曳殘縷一片西風長伴愁人羈  
旅宿江程單枕燈寒過水驛橫橋月苦聽取又幾番哀鴈幾  
聲柔櫓 篋裏征衫如許望翠黛鸞環故鄉何處矮屋香茅  
忍負泖湖煙雨須收拾蔗稜瓜膾重料理竹溪梅塢歸去把  
苔箋吟寫小園詞賦

天香

龍涎香

孤島蟠雲窮洋蹴浪蛟宮凍蟄初起睡後遺痕春餘畱沫遠  
泛瘦槎天際番人采取都集向沙街海市好伴琉璃香藥裝  
成內宮新製 淒涼奉宸舊事裏紅羅燭枝香膩共翦青絲  
一縷翠囊輕佩莫向鳧鑪漫試待挂向南軒愛涼思曉夢回



時黃花意味星槎勝覽龍涎與望之時南巫里洋中每至春舟登此採歸間羣龍來集于上交戲而遺涎浹番人駕獨木常有雲氣罩住山間即知有龍睡其下候雲散往觀之必得龍涎宋史禮志三佛齊國進貢龍涎琉璃香藥鐵圍山叢談奉宸庫得龍涎香二缶真廟朝物也諸大瑞爭取一餅而以青絲貫之遂作佩香焉花木考宋代宮燭以龍涎香貫其中而以紅羅纏柱燒燭則灰飛而香散其燭以龍涎香昌公主暑時取澄水帛挂于南軒滿座皆思挾續云其中有龍涎故能消暑毒也朱松菊花詩香近龍涎曉夢知

水龍吟白蓮

玉妃乍換新妝無情有恨誰人見灣頭試看闌紅深處斜欹  
鈿扇墮向雲中移來月下暗香清遠記煙花水泊舊游重過  
渾不似年時面陸游詩露下白蓮灣 獨自亭亭古岸聽疎楊亂蟬催晚銷魂最  
是涼風蕭瑟露華濃吳融白 回首蘭皋弄珠人去夜深腸斷祇聞  
鷗飛到紋奩影裏結秋江伴蓮詩看來應是雲中墮偷去須  
從月下移已被亂蟬催  
晚晚更禁涼雨動襜褕

摸魚兒蕙

正吳江采菱歌罷涼風一夜蕭槭鳧葵點點天然細長繞露  
蕪煙荻誰記憶是薄宦京華歸隱耽幽適扁舟岸側愛錦帶  
參差銀絲膩滑尋取遍蘭澤充家膳付與厨娘親摘黃花  
情味須識蘋洲況有新菰米無限鄉園秋色清興劇好點向  
青瓷玉筯凝香液松窗月夕和綠鯽庖霜紅鱸縷雪沽酒恣  
浮拍顏氏家訓荇水草

臺城路蟬

千秋未了齊宮怨年年斷魂誰訴槐蔭當檐柳絲拂井又聽  
琴絃如許故園殘暑想一樹無情三更還舉我亦能清蕭條  
同飲夜深露西風又送冷雨柴門倚杖處落葉滿戶野渡  
秋殘滄洲人遠多少別離情緒瑣牕獨苦向帕子紅羅一雙



描取剩有吟螿砌苔寒共語武元衡詩官渡含風古樹蟬起別愁遠人回首憶滄洲王建詩縷得紅趙嘏詩晚樹墜蟬起別愁遠人羅手帕子心中細畫一雙蟬

桂枝香蟹

江楓欲舞正舫泊斷沙榔歇古渡截住秋潮曲斷一燈孤炷頻聽郭索殘蘆裏恁橫行爬沙淺渚星稀露冷葦梢細縛青筐滿貯好勝似江瑤雪乳付松火山廚香橙細縷再搗薑芽快佐槽頭菊醕持螯況味清如許又記起年時情緒銀鐙影下玉纖親擘夜涼庭戶

鬢雲鬆令

吳中張憶孃為北里名流曩昔往來蔣繡谷先生家因為寫簪花小照憶孃歿後是圖亦飄泊不省所在矣繡谷令詞蟠漪得于竹西市肆攜歸重付裝池縑素猶新如見采蘭攏鬢時態也

理雲梳勻石黛間掃將成小折芳蘭戴杏雨梨煙渾不愛一

縷幽情合與幽香配酒場荒歌榭改江北江南瓦甍崔徽

在展玉鴉叉懸竹屨淺碧哥窰好插湘花對

百字令

秋夜聞芭蕉雨聲

一枝冷燭記春時曾見斜遮窗戶幾日蘇臺寒信到添得秋聲難數南浦哀砧西樓遠笛北渚離鴻語石闌干外并教風顫涼雨何況紙帳殘燈更闌酒醒恰值人羈旅便是江鄉歸夢好只怕者番無據羅扇閒來緘書折後忍向林邊住紅闌此際也應題徧愁句沈約修竹彈甘蕉文云切尋姑蘇臺前甘蕉一叢張光弼詩芭蕉風顫石闌干楊萬里詩繞身無數青羅扇歐陽炯詞笑指芭蕉林裏住

天香

煙草和厲太鴻作

綠映滄波青分海樹憑誰種向瓊島珠舶攜來花畦種後製出香絲多少羅囊暗貯還恰值筠窗秋曉幾度春葱輕剔閒



拈碧荷筒小 獸炭又殘瑞腦撥餘熏為禁寒峭一點絳脣  
開處蕙風低裊薄醉依稀犯卯伴岑寂何須玉尊倒飛遍巫  
雲翦燈夜悄

又

銀鴨煙銷玉晷灰冷疎燧落盡殘燄小挈筠筒閒鬻錦袋試  
向短檠輕點朱櫻欲破喜一縷仙雲冉冉桃頰徐生薄暈羅  
衣半凭畫檻 小樓晚寒斜掩唾珠圓細黏蠻珍忽憶海天  
波靜載來吳艦今煙草到處有之而由幾片蘭香重染柰荀  
令愁深賦情減怕菰相思夜闌淒黯吳中有蘭花

清平樂

小停雲畫幅為岡齡作

檀欒翠篠橋外煙波繞一曲鷗沙無限好祇乏詩人吟到  
水窗竹屋涼多石闌斜挂漁蓑容我繫牀秋夢閒聽夜雨疎

荷

百字令

藝圃同姜光宇游即其高祖學在先生寓居也光宇故又以度香為號

霜飛白簡記萊陽當日瑤階抗節一自龍眠行成去擬向江  
邊葬骨社稷滄桑家鄉烽火淚灑霑襟血吳閩小築寓居何  
限淒咽 縱有鶯館鷗池肯教魂夢忘敬亭風雪回首秋墳  
楚雲隔泉石都成消歇佛閣燈紅香橋柳碧付與茶檣列小  
祠猶在壞廊半護苔謁圃已為市人茶肆惟二姜先生祠在虎阜內有鄭篋隸書碑刻

一枝花

送凌叔子之揚州兼訊吳梅里

碧浪生南浦又是送君西去小桃花謝也灑紅雨計到雷塘  
十里春風暮綠柳拖金縷廿四橋頭珠簾低映眉嫵 舊事  
堪悲楚休問寒潮瓜步玉驄游遍了蜀岡路酒幔茶檣好覓  
吹簫伴侶三分明月裏憑說與吳剛別來空綰離緒



臨江仙 過甫里訪許子遜

過了磬清路三篙淺水一片涼風傍沙背煙村面面疎楓幽  
蹤問筍酒甕焙茶竈往事都空蘋花暝有綠頭繡鴨飛過湖  
東 詩翁罷官歸隱老去長伴耕農管漁莊蟹舍豚柵牛宮  
從容記袁江上孤舟裏愁聽征鴻鄉園好且同攜短櫂吟遍  
吳淞

新鴈過妝樓

朱適庭新納姬人自琢新詞為贈和之

鶴怨秋風菱花冷長閒釵影簾櫳鈿車迎到又見寶髻盤龍  
杏子衫溫金跳脫藕絲袞顛玉璫瓏問芳蹤蕊珠再見休疑  
香束 鴛幃香消夢醒恰翠螺低掃並倚熏籠小屏六扇箏  
鴈斜按柔葱書牀笑攜蓮葉又索取新詞羅帕紅煩料理有  
酒邊茶具窗下詩筒

瑤華 新蝶

煙沈蕙徑雨宿花房憶舊時佳麗秋霜夜冷便忘卻那日紅  
情綠意殘梅飄盡又重見香鬢粉翅想昨宵草滿南園難認  
碧紗窈子 料應韓壽芳魂愛飛入妝樓偷伴春睡野蔬江  
橋團扇底尚帶前身風味溪堂詞客重寫句玉羅窗裏莫待  
逢茄葉新蟬纔染藤溪素紙 西陽雜俎顧非熊少時見舊綠  
蔬有為蝶者格物論橋盡有  
化為蝶者徐熙有蝶蟬茄葉  
裏幅旋化為蝶 堦雅嘗見園

惜紅衣

題閨秀方芷齋在璞堂吟藁

繡結衣船香添篆鼎印梅窗靜梳罷蹕雲玉臺試芳穎紅絲  
小硯更染取松煤翠餅新詠藤紙寫來愛鉛華掃淨 妝樓  
獨凭一片西泠鷗波漾明鏡山華水葉盡是入詩境喚起粉  
奩清思賦徧酒旗煙艇想冷吟如此那數頌椒題茗



法曲獻仙音

白苧衫輕青羅扇小約略春歸時節竹浦橫橋荻溪短櫂曾  
經去年離別記款語雲屏底忽忽帶愁說 遠山疊問誰遣  
湖紅題葉空剩取幾點薛階印屨細檢舊香羅寫相思付與  
吟篋冷院黃昏忍更聽玉笛聲咽伴殘燈孤榻祇有一丸涼  
月

秋霽

別吳企晉三年復遇於秦淮水閣風塵寥落在  
歸隱吳山之志時初過涼颺微扇相對惻  
然為填此解并索錢子錢曉徵諸子和之

放艇秦淮記綠檻紅窗景色如故柳葉風疎蓼花煙暝望中  
幾番涼雨相逢倦旅舊歡重按巴山句訴別緒曾記對牀尊  
酒話幽素 江國秋早橋里萼鄉好尋前盟沙外鷗鷺明何  
時橫塘一曲荷衣換了伴君住回首俊游清夢阻最斷魂處

又是水榭懸燈板橋橫笛夜歌金縷

南鄉子

豆花

溪雨初肥幾簇疎花繞竹籬滿地秋陰清露下良夜好約鄰  
翁相對話

摸魚兒

芙蓉

正江南鴈奴來後幽花向日容與采菱歌罷西風起十里淡  
煙微雨秋色暮漸翠蓋蕭疎雪點殘蘆渚孤篷短艣掬重疊  
羅囊參差玉粒竹竈桂薪煮 淒涼味又值新寒一度青霜  
落葉滿樹當年穎上相思夢多少結茅情緒須記取看堆向  
柴哥膩滑凝秋箸鄉園甚處趁碧蟹橙香紅鱸菰冷歸隱伴  
鷗鷺

桂枝香

薑



半畦秋澹劇幾簇纖芽勻排村店一縷輕紅不似笱胎葱蒨  
山僮致到柔尖潤尚溜雨沙痕微染擣餘齏日嘗來碧盃清  
寒漸減 和薄醋酸風掩冉值登盤郭索燈明酒醞問訊行  
劇祇少黃橙同糝泖湖況有蓴絲碧記佳味吳孃親點如今  
但憶柳家新樣誰人手斂

憶真妃 秋葵

數枝斜曳疎煙晚秋天看取宮黃淺樣綺窗前 寒風定微  
霜冷最清妍約略玉人病起鬢雲偏

臺城路 寄懷鳳喈

歸雲閣外梅風軟藤窗正臨芳渚粉箬評茶香羅浥酒多少  
天涯俊侶相逢倦旅看數點孤帆數聲柔櫓短屐黃桑蹋泥  
更上翠微路 分襟重唱南浦向滄波長笛時夢漁父柿葉

湖亭蒨花水港已近殘秋節序吟朋甚處想門掩柴桑研箋  
題句好約聯牀夜燈同聽雨

大聖樂

家存素留寓楓橋已經匝歲翰墨之餘與其  
子蓼菴兼修梵行日來小住青瑤池館因言  
婁水百餘年詞學鹿樵生體綜北宋未極幽  
妍至小山漢舒今培阿懷素威穎山出乃能  
上繼浙西六子同時作者武林則樊榭授衣  
廣林則漁川燈里陽羨則淡存及位存兄弟  
構李則南菴春橋穀原吳中則企晉湘雲策  
時升之共二十餘家各擅其工即南宋未有  
其盛也衆以為快論微吟薄醉之餘填此記

水榭吟鷗山齋簇蜨尋春此住喜連朝側帽同來搦畫譚禪  
不厭臨風絮語見說倚聲姜張後逮秋錦茶煙皆妙緒今何  
許是一曲婁江重新樂府 烏衣無限佳侶 謂小山萍虛香  
雪別花四詞  
况論到曇花猶共詡盡東吳西楚舞袞歌扇留傳法部蘭舫  
半帆溪湖近試按拍飛觴同證取憑君數付麻沙並傳千古



惜秋華 適庭招同來殷雨中泛艇山塘落葉蕭蕭溪邊疎柳皆颯然有秋暮意予本愁人能無江潭搖落之感耶

波冷桐橋正蘋花零亂藕花憔悴一櫂吳船斜停綠楊絲裏  
西風慣作秋陰送涼雨菰蒲聲細雲起把遙山掩了數稜寒  
翠猶憶尋春地有歌珠幾串粉柔香膩短夢忽忽空惹庾  
郎愁思酒邊幸有吟朋共攜屐小亭閒倚歸未聽禪林暮鐘  
煙際

八聲甘州 送沈歸愚先生遊天台

記天台萬仞削東南寒雲湧晴嵐望赤城突兀瓊臺縹緲玉  
鏡澄涵苔壁藤橋倚處飛瀑灑空嵌冷月千山裏梵響茅菴  
喚起謝公清興辦竹兜筍笠芒屨筠籃向懸崖絕澗杖策  
恣幽探笑生平游蹤寂寞祇夢魂夜趁浙江帆期何日有團

蕉地結个花龕

二郎神 雨後追悼玉蕖

分襟南陌永別青門詞客歎冷卻杜陵舊社空有寒風暮笛  
應是鮑家墳上路吟遍了曉楓秋色看塵滿玉琴弦灑淚念  
疇昔還憶雞鳴球下烏衣巷側趁夜月鞭籠翠袖閒訪茶  
檣酒柵醉墨吳箋詩卷在但回首俊遊悽惻最愁是翦燭西  
窗夜雨簷聲蕭槭

摸魚兒 贈趙飲谷卽送其之揚州

問江南采香詞客生涯長是羈旅邠卿老矣悲秋甚鬢溼霜  
華千縷新樂府愛粉字吳箋重唱橫塘句 厲太鴻贈君詞有斷腸重唱小橫塘  
粉字開還清吟細譜似石帚梅溪蘋洲玉筍此外那堪數  
掩之句吳船好猶在滄浪古渡釣車相伴漁父比鄰來往雞豚社況



有樓山舊雨謂李客山霜信苦恁破帽衝寒又到雷塘路歸期早  
賦向雪屋深窗煙堤短約共看冷楓舞

春融堂集卷二十五終

春融堂集卷二十六

青浦王昶 德甫

琴畫樓詞二

金縷曲

丹陽對雪同企晉作

急雪如鴉大打疎窗蕭蕭槭槭隨風交墮旅店雞聲催曉夢  
不許繩牀閒臥起相對茅檐土銼一輛柴車剛待發奈春泥  
滑刺真無那行不得恁時可 故山最好思茶磨記溪邊珊  
瑚冷月小梅初破況是傳柑佳節近多少鬧蛾燈火枉孤負  
星橋鐵鎖人在荒城孤驛外嘆家鄉節物閒中過愁遠道響  
鈴馱

暗香

壬申仲春月夜與企晉同寓秦淮俊流竝集文  
酒留連數年來所未有也且將約為牛頭雙闕  
諸山之游



青溪三度算此番春到勝遊第一況是詩人客裏招尋話車  
笠江左風流猶在更桃葉波痕初碧待喚取六柱吳船柳外  
試箏笛 仍憶去秋寂恁桂月將殘便收吟席雪消今夕長  
板橋南共浮白擬向定林深處梅未落芭屨堪給好同譜新  
詞卷兜娘按拍

梅子黃時雨

雨夜同朱適庭話舊

白紵寒生又漏冷蓮籌香地檀印聽點滴簷聲正逢春盡已  
見蓮心擎翠蓋那堪婪尾銷紅粉愁難穩幸有吟朋憑訴幽  
恨 漸近楚江梅信嘆飄零如許霜染青鬢待老作空山詩  
逋畫隱歸夢只憐蘅薄杳故園空憶雲林潤挑蘭燼更是打

窗風緊

一枝花

爲顧祿百題畫

杏子飄紅豔窗外東風微颭夜深涼雨過兩三點鴛被餘香  
猶在湘筠簟竹几孤燈閃夢到重樓有人斜凭朱檻 別後  
情悽黯閒了菱花玉鑑眉山誰畫取黛濃淡六幅榴裙應有  
淚痕勻染忍負蘭閨念須早辦歸裝春江試喚烟艫

木蘭花慢

張策時以詞見憶賦答

正柴桑門掩聽梧葉下階除歎書卷叢殘酒杯寂寞鬢髮蕭  
疎閒居紙窗晝臥又一行雪鴈落菰蒲遺得吳牋細字故人  
近致音書 愁余俊侶半黃壚我亦病菰蘆恁秋雨秋風月  
泉吟社夢冷江湖欷歔梅崖何許想白蘋洲裏作寒漁甚日  
草堂剪燭開樽夜薦香蔬

南浦

題沙斗初春江雨泛圖

新漲滿銀塘映青蕪一路芹芽初展江店綠陰濃橫橋外多



少細桃零亂雲昏水暗柳絲斜度紅襟燕愁絕尋芳人去盡  
寂寞綠蘋溪岸 憑誰爲棹春船趁東風半捲烟檣雨幔萍  
梗寄江湖清游處依約元真重見魚蟹蟹斷舊盟思結閒鷗  
伴相約吳淞楓落後來共蓴絲菰飯

法曲獻仙音

秋日聞趙升之臥病填此懷之時讀曇  
華閣樂府補題卽書其後

梅屋聯牀柳橋攜屐夢憶江湖舊侶秦望山高春申浦急迢  
迢故交何處想落月寒窗裏疎燈聽涼雨 溯芳序嘆文園  
又逢秋暮閒伴卻禪榻茶烟鬢縷景物最關情研吳箋粉字  
輕譜蓮葉蓴絲喜江鄉風味如許問何時翦燭同向石屏題  
句

清平樂

題葭水村莊升之外舅所居

清江一曲築个花南屋種得檀欒千畝竹添取芙蓉紅簇

安排書庫詩瓢屏當茶具魚標儻許吟朋來往與君同結香  
茅

摸魚兒

酬升之卽用來韻

聽瀟瀟畫簾朝雨茶鑪閒伴幽獨巴山舊侶經年別卻恨飛  
鴻斷續風動竹喜點屐莓苔傳得吳箋幅一行書牘勸白怡  
論交青檣結社文酒莫相逐 勞生事也厭紅塵萬斛雲林  
擬築茅屋疎籬短約天然好添取老梅叢菊耕且讀再約个  
吟朋小住清溪曲西窗翦燭便溫鼎分香石牀題句抱被話  
同宿

瑤華

木瀆遂初園在靈巖山下蓋企晉祖所構也分  
爲十景各系以詞 巖東霽雪

試燈風軟挑菜冰銷聽簷聲乍滴玲瓏石角漸露卻點點苔  
紋草色幽蹤莫認問誰訪空山岑寂但凍鴉飛過松梢林外



春風堂集卷二十一  
一痕遙碧 嚴寒初減衣棱剩簾底清陰猶照窗格緝梅瘦  
也想冷蕊開遍花坪南北鄉園春好只愁損玉塵無蹟趁新  
晴流到吳淞添了蓴波幾尺

玉京秋

書堂晚香

孤館淨碧梧滴殘露晚風淒冷一痕淡月雕闌移影記取小  
山吟罷趁涼秋開遍荒町對清景底須沈水再添溫鼎引  
得王孫歸興伴幽叢緝書淪茗掩重門濃芬漠漠空林人靜  
後侶天涯歲又暮招隱誰來三徑寫新咏休用翠奩香餅

疎影

松門夕照

寒濤晴吼愛枯釵落處早築新構雙楫柴扉藥錄農書空山  
消遣清晝夢回午枕疎陰轉又田舍夕陽時候看絲絲魚尾  
殘霞倒映綠波紋皺 取次水昏烟暝板橋聞櫂語沙際漁

叟石鼎香溫竹竈茶寒又見月明簾牖前邨幾陣歸鴉晚都  
集向斷槐疎柳試挑燈自飭盤飧料理竹孫菱母

惜紅衣

平橋夏漲

翠竹初抽紅薇纔謝熟梅時節柳外平池短橋畫欄接雲昏  
烟冷聽一夜雨聲蕭槭清絕添了柔波浸釣筒魚蕞 蘆間  
蘋末新綠三篙田田露荷葉臨流試望幾點雪鷗沒可惜盤  
灘坐處長遍苔衣石髮趁碧梧風靜閒去移罍洗鉢

探春

柳堤鶯囀

梅雪初殘梨雲乍損一逕柳枝低亞笛裏香綿烟中粉絮低  
拂綠陰臺榭裊裊無人處問誰弄清吟閒冶最憐長板橋邊  
殷勤似惜花謝 幽客夢回東舍聽繡羽飛來池館清暇隔  
葉纏綿隨風宛轉好與紅襟細話便趁雙柑在壓茆酒翠樽



輕瀉怕到涼秋，唬烏空繞月夜。

霜天曉角

高臺秋月

清霜初降落，葉飄幽幌。天際碧羅雲捲，看冷月夜深上。攜杖閒眺望，邨燈明三兩，最愛寒山秋靜。但留得磬聲響。

風入松

松閣聽濤

園林面對雲峯翠，滴州濃粉，牆繞處添吟閣。閣前五粒長松老幹，慣留殘雪，枯釵時顫清風。幽人睡醒，夕陽中碎影，重重濤響。遍油窗外亂他古寺秋鐘。須倩嗣翁好手，朝來譜入絲桐。

浣溪沙

春園晴曉

結得香茅五畝居，春風昨夜到衡廬。翠簾斜捲啓方疏。挑菜桑畦殘雪後，傳柑笱席嫩晴初。玉梅幾點影扶疎。

鬪莎行

竹溪雨

小闌花蹊新開，芋圃幽情更愛。吳郎賦仙人，鸞尾種池南歲。寒每聽清風度，粉籜初消霜筠欲舞。冷雲又下疎疎雨。烟波迢遞，不勝愁夜，深夢到瀟湘路。

漁家傲

莎村觀刈

楓葉蘋花秋漸老，江村處處垂香稻。趁取茅茨寒日曉。山農笑紅蓮，今歲收成早。間著長蓑添袂，行磨鎌竝往溪南道。捫向空舫歸去好，鳴單櫂，破柴籬下場新掃。

月照梨花

畫棟香重，畫簾風動，幾疊離愁。幾番幽夢，芳草綠遍王孫近。殘春。湘奩檀畫無人，共玉簫數弄，淚濕輕衫。鳳柳花如雪，滿苔痕，細雨重門又黃昏。



掃花游

在韓懷至吳閫訪予於春風亭寓舍孤舟短展將入東西崦探梅賦此話別并訂維揚之

性耽紅葉記蜀紙新詞那時曾見韓懷有性癖耽紅葉之句燈窗詠遍正

相思落月故人天遠袖裏音書目斷蘆花冷鴈在孤館喜一

笑乍逢同話情款江國春尚淺望雨後湖山黛痕輕展蹋

殘碧蘇想瓢中定有暗香詞卷何日扁舟繫向隋隄柳岸約

吟伴聽珠簾夜深歌管

邁陂塘

江于九來自邢溝杜臨寓舍話舊之餘匆匆告別賦此送之兼柬賓谷

正春城試鏡風裏疎梅竹外開早么禽喚起江南思悵望夢

花人杳愁渺渺喜畫舫晴波穩載吟朋到重逢一笑向石墨

題詩筠箋按譜款語訴懷抱曇華侶之還憶謝池芳草

謂叔子何時更共游眺單衣細雨雷塘路應有烏絲新稿春

漸好恨載酒分襟又放香溪權離亭殘照約水榭疎燈板橋  
寒笛清夜翠樽倒

又題翁壽堂春篷聽雨圖

問三十三山詞客舊盟長伴鷗鷺榭林閒曳紅藤杖更向扁

舟容與浮棹去看葉葉圓萍綠遍滄江路東風日暮漸翠黛

峯低碧羅雲暗幾陣餞春雨清游好曾記雪篷詩句千秋

共此佳緒船窗點滴天然韻况有蕢洲笛譜新樂府待喚取

樵青小按銀箏柱烟波可侶定酒載偏提衣裁獨速來共翦

燈語

綺羅香

題商寶意惆悵詞後

屈戌花濃罨恩日暖最憶蘇臺佳麗曉啓紗幮重換碧羅衫

子纔勻罷一道春山悄回著兩行秋水向銀屏小炷薇魂蕙



鑪幾縷篆心字 片帆還又遠別記起妝臺圓月那時情意  
芳草河橋總是相思滋味便忘了紅袖調箏爭忍看翠綃彈  
淚又何堪旅店殘燈夜窗春雨細

臨江仙

蔣蟠漪工墨蘭嘗畫小幅藏弄篋衍中其配李夫人為綴冰梅于上洵雙絕也升枚出以相示與企晉策時同與此闕

湘絃彈怨秋波冷幽人寫入生綃粉奩吟賞思迢迢更憐芳  
信晚勻墨綴冰條 想見明窗同點染鷗波舊日風標雙鴛  
乘月上清霄玉鴉又挂處一樣暗香飄

鳳凰臺上憶吹簫

七夕和葉芳宣

秋雨如塵晚涼似水花前悵望明河正濃陰作暝潤遍烟莎  
似恨蘭期易逝鵲橋路障了香羅應羞見桂宮月姊瓊石雲  
娥 蹉跎蒲芝別也翠色九峯清遠隔江波想穿針樓掩愁

損雙蛾應有西堂小宴傾下若淺酌紅螺還又怕夜深人稀  
獨對銅荷

鵲橋仙

同江賓谷于九訪馬湘蘭故宅

烟花小部水天舊事名占紅樓十二吳昌梅雨畫船歸便魂  
斷禪燈佛字 幾叢新綠幾枝寒翠剩有茶檣夜市名園飛  
絮也成空共惆悵斷垣荒砌

梁州令

雨中同曹來殷上宏濟寺

微雨濛濛墮早繫沙邊畫舸荷衣筍笠話同遊紅牆梵院屐  
印莓苔破箨筵翠葉搖千箇老樹懸崖臥疎枝時落山果壁  
間石刻蝸涎澗 徑轉迴廊左卻登石臺閒坐大江一綫走  
寒潮帆檣點點總向簾前過白銀盤裏芙蓉朶萬疊烟雲裏  
生涯只合香林老禪燈長伴殘僧課



百字令

同嚴東有訪阮圓海詠懷堂今為陶蘅川居在訪之感而有作

山樵百子湖當年居在百花深處

圓海號百子山樵自題百

人張修鳴咽秦淮通別渚微潤蒼藤老樹舊院沈烟新亭灑

涕華屋偏如故詩人偶賃綠陰猶可銷暑已附委鬼茄花

又從瑤草擢髮真難數燕子春燈遺曲在恁有才情多許南

渡繁華東林節概往事俱千古詠懷休問何人更畫圖譜

臨江仙

梅坪竹塢閒游處花前曾遇芳姿一簾香月定情時淺斟金

鑿落低按玉參差疎柳長亭人別後茶烟禪榻相思翦燈

和淚寫新詞斷魂涼雨後殘葉下堦墀

木蘭花慢

小雪前一日舟泊青陽風葦蕭蕭初寒料峭明日當至澄江欲同霽堂訪陸起潛舊

賦雙翅亂舞西堂

居因賦

蓉湖風漸緊喜傍午一帆懸看茅屋彎環柳橋宛轉翠篠參

天青青正長廿里又修眉已在斷雲邊想見皆山樓閣吟朋

同此流連林泉應尚依然詩社冷隱居遷怕難似當年白

雲詞句空在瑤編山翁定能指識好施筇躡屨共沿緣弔得

兩賢遺蹟倚聲譜上湘絃

憶舊游

霽堂居君山下向題其三十三峯草堂圖茲造廬盤旋竟日抵暮而別作此誌之

記楚波送別吳市同游荏苒年華聞說抽帆去向沿江蒼翠

高臥烟霞竭來者番相見香飯共胡麻看竹樹蒙叢畫圖相

較風景無差山家最幽處有蘆洲似月楓磴如花詩卷重

雕刻更蒲輪重到名滿天涯可惜仍辭蕙帳載酒約終賒儻

憶我春明芸牋好付歸鴈斜

離亭燕

甲戌上元前三日寒月皎然疎梅已放家人小設杯槃刻日計借北上悵然賦此



簷外冰輪初起照入雪梅叢裏誰道上元三五近已報征帆  
斜艤整頓小辛盤喚取一樽浮蟻仍作傳柑風味豈免分  
攜情意明鏡寶釵無可贈只有柔情似水那禁市樓東隱隱  
管絃聲細

減字木蘭花

桐花小鳳舊游回首真如夢樽酒離亭曾記清歌掩淚聽  
船燈戍鼓腸斷江南芳草路澹月重樓誰伴西窗詠玉鈎

南歌子

詠別爲黃芳亭作

碧蘚攤錢地紅梨倦繡天畫堂無那掩離絃悔煞當時草草  
負芳年清淚霑銀勒濃愁入玉船不須聽雨暫流連祇願  
江山處處響春鶻

憶別

一

記春城鬧蛾撲蝶傳柑初近元夜旗亭暮雨催輕別攜手蝦  
鬚簾下鉛淚瀉認幾許連珠染遍秋羅帕寒更初打任蕙葉  
香消梨花酒冷未許片帆挂淞南水穩送離人去也篷窗  
誰共清暇吳雲楚樹都經過又向亂山荒舍閒駐馬對衰柳  
寒沙淡月鋪簷瓦研箋難寫把殘驛新愁小樓舊事夢裏翦

燈話

探芳新

初至京師定寓時值花朝微霰忽零淒然寒色因呼酒消之卽示黃芳亭陸聽三

御街前漸六花又飄驟網已憩土銜蘆簾仍似冰牀雪被軟  
紅旋拂拭卸征衫收短轡傍西窗牢九兼薄餅乳潼芳賦  
旬日風霜憔悴喜跂腳伸眉夜來夢寐硯匣書籤便與吟朋  
同試今宵黑甜最穩喚春酩謀小醉待明晨探禁苑杏花開  
未



喜遷鶯

謝崑城庶常招同陳寶所吳荀叔錢曉徵三舍人鳳階孝廉聽鐘山房小集

峭寒漸徹刺鴛瓦初消昨宵微雪石帚攜來瓊車屈處兼近  
討春時節燕臺吳市新知舊雨幽蘭雙結對好景喜兔華方  
起光移仙闕笑語歡霏屑數徧蓮漏樽酒猶未竭獸炭添  
溫蠟缸頻翫又聽晨鐘將發良游佳話已消前日風塵短褐  
况紅杏欲生花擬向東風竝折自崑城外  
聲聲慢題諸草廬宮贊高松對論圖  
蒼枝偃雪翠蓋生濤儵然長覆荆柴蘚逕荒涼誰同解帶藤  
齋生愁歲寒人少對高陰自蹋吳鞵聽屋角正秋風乍起落  
徧疎欵回憶居名藏史但莓牆石井往蹟沈埋剩有枯鱗  
年時落落霜階苔花半凝碧鬢照清泉瘦影幽佳伴詩老看  
小窗詩卷新排

憶舊遊

京城西便門外白雲觀卽元長春宮也以邱真人處機居此故名樂笑翁游此有詞今殿閣荒頽過半香火猶存閏五月十九日真人生日四方黃冠翽集士女遊者甚衆予于三月下旬與吳苻叔金棕亭同游慨想真傳因填此解

嘆青牛路杳白鶴烟消難問全真琳宇西華近望蒼松翠柏  
交映檐楹金龕尚留香火鐘磬傍蜺旌說落燈風後時傳灌  
頂士女傾城生平自蓬島向終南太華訪道瑤清更歷龍  
沙遠便安車回日名著燕京玉田舊闕誰記好取叶鸞笙喜  
仙侶同來暮春芳草雨正晴

金縷曲

寄曹來殷

午節匆匆過又玉河初漲柔藍新荷欲破昨日直沽雙鯉到  
不見隨風珠唾但憶得瑣窗閒坐虎僕毫尖龍尾滑伴秋潭  
聽雨同吟和寫新句定思我生涯休更悲摧挫且優游琴



薦香爐詩囊藥裹短簿祠前濃綠好更好山尋茶磨那得許  
單衫塵浣蕉萃京華春夢醒算故園歸計終須果到吳市共  
燈火

長亭怨慢

別鳳喈曉微于宣武門外遂至潞河客舫  
時將往濟南萍蹤靡定回憶分襟益深淒  
照

正槐蔭綠深渡口已出燕郊旋登鷓首回憶郵亭淚珠零落  
尚盈手軟紅踏遍終猶是青山舊話兩坐西窗嘆甚日剪燈  
還又 僂僂問心情何似彷彿絲絲亂柳鵲華東去看湖上  
綠肥紅瘦最苦是新侶無人待誰與尋詩鬪酒漸日暮蒼涼  
忍喚長年放溜

剔銀燈

予在真州旅舍曾諧燈詞四闕秘置篋衍久  
矣青光舟次燈窗夜坐忽檢及之悲感橫生  
再為摹寫匪徒體物亦以志身世蒼涼更甚  
于昔也

嫋嫋蒹葭波起旅客孤舟斜艤隔竹茶槽橫橋酒店幾點微  
明小市篷窗雨細伴山鬼縱橫清淚 回首江鄉天際綠樹  
東村迢遞水驛殘更河梁遠夢誰信此時憔悴長瓶難醉祇  
獨宿夜涼相對

又

何日簷花夜落窗下茶鐺自淪青簡抽來紅樓題罷更做江  
東詩學楓林蕭索閒聽取溪邊鳴鶴 外舍清寒如昨休說  
過橋珠箔草閣風疎竹窗露滴一任酒鑪寂寞水村山郭但  
畱伴茅茨煮藥

又

十載吟詩看劍依舊天涯壞坎破驛長亭荒祠故國長見一  
枝冷燄西窗雨暗想只有山妻長占 客裏寒衣誰念鄉信



從今難驗翦韭莎畦擣茶茅屋荒逕蓬蒿自掩淚痕淒黯更  
絡緯清吟小檻

又

腸斷慈親頭白獨聽殘蛩催織一紙書回兩行淚下惆悵天  
涯消息寒沙暗壁有多少荒村岑寂 長病還重作客合住  
谷郎巖側野寺疎鐘雲房積雪參取林閒遺集金蓮侍直只  
付與故人天北

西河

同吳廷韓由峭山河還至歷下亭晚荷已盡蘆雪翳然時寒露後三日也

閒窗寂不耐新愁臥病吳郎相勸訪秋行蜻蜓小艇峭山一  
曲映玻璃湖亭更選名勝 微雨過紅衣冷薄靄不霑明鏡  
蘆花偶惹鯉魚風閒鳴驚醒清遊曾寄集賢知長牋寫徧幽  
景時出趙子昂明湖秋思圖展玩 更喚酒銀瓶素縷少消除天涯旅興回

憶江關路迴想漁莊雪藕絲莼應向夢中尋誰重省

法曲獻仙音

癸酉秋鄭禹谷琢詞見贈草草未遑答也今客濟南旅窗清暇復檢散帙得之因填此解奉酬秋云暮矣能無尊邊呼權橋候思書之感耶

側帽尋花單衣試酒共作中吳唸客折柳歌殘翦燈人杳奩  
中剩畱詞筆記贈我雲藍句生香徧瑤席 念岑寂恁年年  
斷萍蹤跡只夢度松陵竹邊烟驛秋雪繞西湖更與誰葦岸  
攜展橘社荒寒問何時同話涼夕把烏絲醉墨閒付小紅催  
拍

解珮令

泊淮關

殘鐘微度哀笳微度更清淮數聲柔櫓已是愁人那禁得權  
歌淒苦又孤篷一番寒雨 故鄉何處舊游何處檢征衫淚  
痕凝聚飄泊誰憐算只有疎楊幾樹似年時斷魂情緒



臨江仙

昨夜鯉魚風起輕寒初到衣  
梭十年身世感飄蓋高堂雙鬢  
白客舍一燈青  
夢到橫雲山下小橋流水柴荆故園雖好  
有誰耕雨荒松葉逕秋老菊花墜

華胥引

題竹林宴坐圖為藥畊作

生綃滑笏是誰描取翠鸞烟鎖石  
逕荒蕪獨結團蕉愛敷坐  
一任雨滴寒梢更風鳴枯筇不染閒心淨  
名自理清課  
卻恨經秋軟紅塵荷衣常浣瘦權癩可頻  
勸歸參智果好覓閒田種取綠筠千个  
梵筴龕燈空門共結香火

秋霽

題查藥師鋤菜圖

矮幅藤溪倩翠墨勻來染  
遍幽景葉落荒陂烟寒老圃  
瑤中碧蔬綠逕短衣掩脛自攜鳴嘴金鋤  
冷趁野興底用園官杓

送作

去聲

芳飴

江國久別區芋耘瓜幾時歸尋湖上清境挂  
輕帆橫雲路近好來同放采蕪艇還摘露葵  
供說餅此意誰省算有南岳多情西鄰好事  
伴君棲靜

秋波媚

故里歸心寄扁舟旅舍暫淹留  
寒燈掛壁破窗鳴紙一枕鄉愁  
吟朋小別西橋路回首碧雲稠  
蓉湖今夜殘鐘杉寺細雨蘋洲

早梅芳近

丁丑上元前一日官梅亭小飲時翠華南幸邗溝風景一新而運使明日有茂苑之行招予同往想一路殘雪微寒朝花新柳更足供吟賞也

畫屏開湘箔捲梅萼香猶淺  
琴書多暇褰屐借來綺筵展  
鏡明東閣暖雪霽西風善  
正藏鉤側帽蟾影光初綻  
鬪清談如珠貫芳酌真無算  
勝緣不少鼓舵明晨下吳苑  
雲山楊子



渡烟月蘭陵館記清游貽君同笑粲

揚州慢

乘風渡江泊竹西城外燈火微茫偶聞弦管

初月涵雲虛沙齧浪客程泊近紅橋喜燒燈節候隱隱聽瓊  
簫想水館春寒尙緊蕪城俊少共煖金椒只孤舟欸乃和他  
畫角清宵 紫薇去久但空傳鸚舌徐調到柏葉烟微竹枝  
聲咽燭蕊將消回憶故園別夢眠難穩欹枕魂銷况落梅風  
起枕牙正向江湖

減字木蘭花

一樽清醕曾記擁鑪深夜語翦了蘭釭翠篠淒淒雪打窗  
蘋花江岸回首紅樓香夢遠野艇黃昏竹柵寒潮正斷魂

臨江仙

與汪經芸沈方穀庶常相晤刊關感賦

記得金鑾初唱第芳堤同碾香車仙雲縹緲侍東華簫韶聲

裏玉漏遠穿花 而今湖海重漂泊相逢雨雪天涯青衫有

淚濕琵琶夢魂難忘曉日散宮鴉

又

丹陽舟次有懷

小泊雲陽驛外板橋初柳如絲落鏡風定鴈聲遲疎林煙際  
寺殘雪水邊籬 報道欲歸未得江南江北相思佳期好在  
熟梅時蘭窗同命酒竹屋共彈碁

東風第一枝

從龍潭渡江夜半至真州

沙燕風閒江豚浪靜夕陽還又喚渡輕帘纔捲茶檣遠火漸  
生漁步半帆如箭已近傍龍潭古戍最喜是小市猶開爲客  
蒸藜炊黍 幸已約東吳俊侶趁給札凌雲同賦春城隱約  
觚稜稍隔淡烟平楚篙師且緩更莫辨乘流東去只待聽翠  
羽聲聲還似綠楊清曙



浣溪沙

漏靜燈殘酒欲消孤篷泊處更瀟瀟玉蟲一點度蘭膏花  
落不堪寒食雨春心常記廣陵潮誰家又奏小檀槽

解連環

竹西遇陸南齋以白蕉詞見示聲情妍婉當與張蛻巖相上下不啻貽我青玉案也

平湖渺矣是烟波深處地連谷水恨一棹未訪高門賴小令  
長牋妙參詞旨何意相逢却正在紅橋花底喜開尊清話翦  
燭題襟客裏風味還貽白蕉舊製笑搓酥摘粉總涉濃麗  
誰得似投効歸來託漁弟樵兄共寫幽致只我征帆待遙溯  
潞河雲霽擬他時夜窗聽雨和吟重記

浣溪沙

題王石谷水邨圖為張漁川作

尚湖小景不須多湖上山房映碧羅綠楊烟雨隱漁歌翰  
墨誰如烏目好香茶清供伴吟哦藍田輞水比如何漁川西安人

夏初臨

春暮閨秀徐若冰製三泖漁莊圖扇見惠并系以詩賦謝兼寄雲清

燕子初飛鼠姑已謝南薰誰得招涼畫扇輕羅遠貽喜自吳  
航墨痕猶伴粉痕香寫明珠小字成行南樓清暇玉屏東望  
遙憶漁莊新詩婉約妙繪空濛團圞影裏宛見江鄉官梅  
亭舍於今便作羲皇况有簪篸付雕鐫並置書床并寄筆筒亦刻詩畫

于意難忘飛瓊寄聲更報瑤章

摸魚子

題嘉定錢氏兼春書屋圖

望蒼崖叢篁古木翠微占斷塵境茅柴縛取三間屋屋外別  
開落遜春欲醒愛么鳥啼時滿地梨雲冷幾枝疎影看殘雪  
園林嫩寒籬落此意有誰省溪橋遠正值杖藜人並尋詩  
還共清興琴原藥錄編排就更好試香分茗書館靜應笑我  
年年孤負江鄉景水昏煙暝待辨得棕鞵攜來蠻榼隔柳繫



孤艇

又

端午前三日將返吳淞示子存適庭漢倬肅徵

正銀塘棹花風定陰陰翠葉如許月泉社裏聯吟慣小別也  
成淒楚相送處怕一翦寒帆便見替清樹故鄉延佇想懸艾  
簾櫳澡蘭庭院誰與共芳序垂楊岸還憶尋春前度分襟  
淚點輕注天涯重見無多日又寫江郎恨賦情最苦是兩漿  
寒潮催送斜塘路忽忽款語約置酒絃詩移鐙讀畫再聽小  
樓雨

南鄉子

題未吉人畫叢篁飛瀑圖

雨霽起秋嵐雲外斜橫碧玉簪隱約三間茅屋在花南一道  
飛流下斷巖略約倚寒潭鸞尾蕭蕭映石龕如此溪山清  
絕處真堪容我幽樓卜草庵

祝英臺近

策時自寒山來同宿蘋花池館時簾外雨  
潺潺竹梧蕭瑟因填此解兼示子存適庭

小屏深孤竹冷涼雨下落石欵竹重來琴酒共瑤席卻思昨  
夜空巖飛泉響處恨不與故人游歷正相憶誰知繫艇煙  
堤攜手慰岑寂話了巴山更聽短簷滴待看紅藕香生黃梅  
風定同踏遍數峯晴碧

金縷曲

借友晚過滄浪亭因憶與策時同游時已隔  
歲矣賦之以寄憶

隔水鳴遮了石橋南槐葉悵悵柳絲裊裊竹屋梅坪微雨過  
無限新涼懷抱記勝侶曾同短權回想歐蘇詩句好聽篙師  
已說溪亭到沽桂酒一樽倒翠玲瓏外秋蕖早瀟春旗倚  
欄吟遍銀塘碧沼今日詩朋同話舊猶是青山皂帽祇不見  
雪窗風調露濕莠苔歸路暗漸半規涼月梧桐杪魚子寫鴈  
奴杏



秋波媚 舟泊斜塘

香稻風生繫吟艫竹露滴篷窗銷魂最是昨宵畫閣今夜烟  
江 短亭回首家山隔何處寄蘭芷知他也合慵熏簫局倦  
翦銀缸

憶秦娥 青溪旅夜

情脈脈扁舟頻作秦淮客秦淮客柳邊殘雨水邊殘笛 紅  
欄橋下秋潮急梨花門巷長相憶長相憶烏啼涼月夜深人  
寂

一翦梅

小閣寒生玉篆銷塵滿檀槽淚滿珠翹碧窗風起響簾梢殘  
雨蕭蕭殘葉蕭蕭 雪帆何日溯秋潮倚遍花橋望遍蘭皋  
銀鐙低照可憐宵幽夢迢迢芳訊迢迢

金縷曲

家受銘僑寓秦淮時送人入蜀攜歌酒過丁  
字簾前夜已二更矣聞水榭中笛聲淒咽因  
叩門求見則商寶意司馬自度曲也遂邀入  
坐中翦鐙話舊痛飲達曙而別復丐畫師寫  
青溪邀笛圖自倚曼詞紀之屬予繼聲題後

蜀棧雲千尺送征篷小姑祠畔柳絲凝碧已聽陽關魂斷後  
更聽小窗風笛驚相見天涯倦客置酒呼鐙同攜手認蕭蕭  
短鬢吳霜白還款語訴游跡 清淮烟水渾如昔又誰知飄  
零舊雨重逢良夕傷別傷秋情無那况對露蕪風荻忍再喚  
小紅催拍畫出女牆明月影照寒潮一片淒涼色衫袖上淚  
痕滴

踏莎行

題廖覲揚西風鞍馬圖

旅館敲風孤篷聽雨三年曾憶燕臺住涼秋白下又相逢一  
鞭更跨征鞍去 身世飄零功名遲暮重來錄別添愁緒江



南春到杏花梢期君走馬長安路

又送沈學子歸華亭

古驛長亭荒灣野水頻年也灑征衫淚一繩新處正橫天短  
書早寄秋風裏豚栅雞棲魚牀蟹市夢魂慣憶江鄉味何  
時築屋傍青山柴門共作垂竿計

小重山

楓霜昨夜著雲幃暗螢催織罷月籠秋夢魂便到小紅樓西  
風緊容易響簾鉤獨自掩青牛腰圍今減盡帶頻搗誰人  
欸乃過贛洲雲窗裏幾度誤歸舟

行香子

一幅孤篷一襪吳淞數離亭幾點霜鴻落鐙過也吹盡梅風  
又柳絲黃蘋葉綠杏花紅回首湖東烟水重重認眉稜剩

做遙峯一樽薄醉更惹離悰聽酒家箏漁舍笛佛樓鐘

玲瓏四犯 題友人小像

家近西冷愛一片涼波幾疊雲嶂吹遍梅風莎徑苔痕初長  
蠟取曉屐衝泥底事用歲寒松杖問送僧尋藥前去只費黃  
桑幾兩 椶櫚笠子尖圓相製山衣水田新樣眾師釣叟真  
無別但少綸竿颺好向十字蘋邊喚菱角輕搖煙舫把湖畔  
楓葉菰米寫成漁唱

湘月 送朱吉人歸桐鄉

抱琴歸去喚蜻蛉直下西水荒驛蓮葉田田早映遍十里鴛  
湖寒碧倚杖尋詩分泉試茗老作漁竿客虛堂夜雨對牀共  
伴岑寂 長恨錄別經年天涯重見又陽關催拍款竹  
盟鷗嘆冷落多少唼箋遊屐柳髮梳風蘋絲點雪舊侶烟波



隔鏡窗月冷忍聽江館涼笛

浣溪沙

裊裊東風拂畫闌碧羅窗外杏花殘可憐春信第三番

雨曉晴雲半斂玉屏微露翠鸞環捲簾描上小眉山

徵招

將歸松江同沙斗初朱子存漢倬小集企晉璜川書屋兼觀朱吉人作畫放筆之餘黯然賦別

玉鳧香炷蕭齋靜天涯故人重聚把袖正忽忽又蘭舟催去

別情休細訴試香墨閒勻縑素幾摺寒雲幾叢修竹迴汀曲

嶼 疑似細林東香茅屋結在翠微深處猿鶴愜幽尋奈斷

魂難賦西窗深夜語應憶我綠蘋南浦與誰對水驛孤燈聽

空江細雨

石湖仙

南旺湖曉發

湖山雨霽聞七十名泉明流交滙縹緲望徂來自東南烟雲

無際虹堤遙截有多少楓人蘆子棲此比農桑更裕生計

會通又經分派為神倉常通桂柂穀雨初過船趁正當風起

襟履蕭閒琴書清潤宛然畫裏誰喚取荆關細寫清意

高山流水

楊柳青舟次陰雨連朝遙望西北烟密杳靄風景不減中吳也填此寄蓮坡先生

水牕連日掩簾櫳喜朝霞一縷微紅烟靄漲寒潮隔溪猶繫

魚篷綠遍了垂柳濛濛城圍轉遙望城樓如畫酒旆迎風似

半塘橋外淺碧巨眉峯 重重松篁翠深處應添得石瀨雲

淙勝地幾時遊空憶高士芳蹤

蓮坡先生兄弟時時往游香山退谷今不在家

鎖名園欲去誰從趁薄霽且喚篙師解纜放棹從容待他時話取

此景記詩筒

霓裳中序第一

長夏侍直示吳沖之韋慎占兩同年

高槐傍

禁苑榆柳三萬萬翠遍正值直廬清宴喜奏贖將



陳制詞初獻露華猶在望故八橐筆來見問近日詩壇舊侶  
晨夕共談讌 遊衍兮巨宅 半少此地雲山負遠新蟾况已  
如綫好酒啓黃封 展排青案銅壺聽漸轉且暫停花驄去緩  
趁今夜微涼對榻再話故郡欵

春融堂集卷二十六終



